

Dr. P. W. C. P.

Y. W. C. P.

1916 p.

891.99

P-30



7243

ԼԵՒՈՆ ԵՍԵՐ

307.
ՅՈՒՆԻՎ.
411-1623
27

Կ Ա Յ Ս Ր

Դրամա բիզանդական դարերէն

Յ91.99
Շ-30

Արմ.
2-4901a

2-4901a-6 NOV 2011
1623

ԼԵՒՈՆ ԶԱՆԹ

891.99
2-30

ԿԵՅՄՐ

Դրամա բիզանդական դարերէն



17249

ՊՈՒՅ. № 22537

ԹԻՖԼԻՍ
1916

ՏԳԱՐԱՆ
Ն. Աղաճեանի

13 JUL 2013
MS VON 8-

77368

1410-65



1410-65

Ա ն ա ջ ի ն Ա ղ ա ղ



Ա. ՏԵՍԱՐԱՆ

ԲԻԻԶԱՆԴԻՈՆ
ԿՈՐԽԻՐ ՍՐՈՆԸ ՍՐԲՈՋԱՆ ՊԱԼԱՏԻՆ ՄԷՉ

Ճակասք լայն կամարով մուսք մը, որուն վարագոյրները երբ բաց են՝ կ'երեւա խորքի երկար ու կամա-
րակապ միջանցքը: Այդ մեծ մուսքի երկու ճուղք երկու
փոքր ոսկի դռներ առանց վարագոյրի. կայսեր ու կայս-
րուհիին մասնաւոր մուսքերը: Սովորական էլուճուսի
համար կողմնակի դուռ մը աջէն:

Մտանին մեջ դեպի ձախ գահն է պատանդանին
վրա: Հոս ու հոն գահաւորակ ու արուն: Բոլոր կահերը,
վարագոյրները մուր-կարմիր քանձը քաւի է, վրան
ցրի ու մանր ոսկի խաչազարդերով: Պատերը նոյնպէս
կարմիր են. սեղ-սեղ բուսած են եռաստեղ ու եօթնաստեղ
ոսկի աւսանակներուն փունջերը:

1

Ճակսի վարագոյրները բաց են: Բարձրասիճան
պատշոնեաներու ու պալատականներու սուտ խումբ մը
կեցած է մասամբ միջանցքին մեջ, մասամբ սրահը եր-

կու շարժով: Այդ զոյգ շարժին մեջեն է, որ կայսերական ամուրբ առաջ կու գա խորհեն ծանր ու շուտով: Բոլորը կը խոնարհին անոնց անցնելու ասեներ:

Կայսրը՝ Նիկեօս Գոկաս՝ կարճահասակ, լայն ու գեթ մարդ մըն է, յիսունըննգր անց դեմքը խիստ բուխ, խիստ ու երկար սեւ մազերով, կարճ ու ցանցառ մօրուք, մանր ու անհանգիստ աչքեր: Կայսրուհին՝ Թեոֆանոս՝ շքեղ ու սլացիկ կագնով, 26—27 տարու, դեմքը երկարաւուն, խոնոր նուռ աչքեր, գոռոզ նայածք եւ առաս դեղձան մազեր. բացառիկ գեղեցկուհի: Երկուքն ալ հագած են կայսերական պաշտօնական լրիւ հանդերձանք. ծիրանի մանրօ, ծիրանի կօշիկ, սակի բագ ու կայսրոն:

Երբ կը հասնին գահին ոտքը՝ կայսրը կանգ կ'առնէ ու կը դառնա դեպի Մեծ լոկոթեղը, գանձի ու արտաքին գործերու վարիչը, որը խիստ շարժուն ու սեքելեք մարդ մըն է:

Կայսրը — *Կը մեծարես այդ ոռուները, ինչպէս հարկն է, կ'ընծայես մէյ-մէկ հարուստ խալաթ, բայց աչքդ վրանին կը պահես:*

Մեծ լոկոթեղը — *(Շպտուն) Գիտեմ, տէր:*

Կայսրը — *Ընտրէ նաև քանի մը կտոր յարմար բան, որ տանին իրենց Մեծ-իշխանին: Ստանկ, բան մը, որ մասնաւոր կերպով սիրելի ըլլա իրենց բարբարոս ճաշակին:*

Կարեւոր պալատականը — *Իրենց ամենէն աւելի սիրած բանը մեր բիւզանդական լիակշիռ ոսկին է, տէր:*

Պատրիկ Ապամբաս — *Որը այսօր հրաշալի գործ տեսաւ արդէն:*

Սենատոր Պոնդիս — *(Յուպին յենած ծերունի մը) Ինչպէս միշտ:*

Կայսրը — *Տես՞ր, Թեոֆանոս, դաշինքը ասոր կ'ըսեն:*

Պատրիկ Ապամբաս — *Խորունկ է, տէր, քաղաքակա- նութեանդ իմաստութիւնը:*

Կայսրը — *(Գոհ) Դէ, թող այդ սկիւթը քշէ հիմա իր խոժանը դէպի Բուլկարիա:*

Կարեւոր պալատականը — *Աղւոր անակընկալ մը Բուլկարներու մեծ ցարին:*

Մեծ լոկոթեղը — *Չատկի հրաշալի նւէր մը:*

Կայսրը — *(Հեզմոտ) Մեր ամենասիրելի ազգականին: Բոլորը կը խնդան զսպրւած*

Կայսրը — *(Հուրջ) Եւ ալ յոյս ունիմ՝ կը հանգստանան վերջապէս մեր հիւսիսի սահմանները Բուլկար սպաննալիքէն:*

Մեծ լոկոթեղը — *(Չարացած) Ինչպէս և մեր ափերը ոռու նաւերու ելուզակ այցերէն:*

Կայսրը — *Թշնամիներդ պիտի կուին, որ դուն հանգիստ քուն ըլլաս:*

Սենատոր Պոնդիս — *Այդպէս է, տէր:*

Կայսրը — *Շնորհակալ եմ բոլորէդ, ձեր խորհուրդէն, ու օգնոյթէն:*

Բոլորը խոր գլուխ կուտան ու կը փառին միջանցքը. կը գոցին կամարին վարագոյրները:

Կայսրը — *Կ'ուզես, Թեոֆանոս, ինձի հետ ըլլաս իրիկունը: Թեոֆանոս — Սիրով, տէր:*

Կայսրը — *Այս օրւան աշխատանքէս իրաւունք ունիմ գոհ ըլլալու: Իսկ դուն պէտքէ մօտս գտնուիս, որ գոհունակութիւնս լրիւ ըլլա:*

Թեոֆանոս — *Դեռ միշտ նոյն կարծիքի՞ն ես:*

Կայսրը — *Միշտ: (Բիշ մը խորհելէն ետքը) Դուն ինձի համար ոչ միայն կինս ես, ոչ միայն գահիս թա-*

գունին, այլ... ինչպէս ըսեմ, որ ճիշտ ըլլաւ
գուն... իմ բաղդս ես:

Թեօճանօ — (Փպտուն) Բանդ:

Կայսր — Կը յիշեմ այն առաջին օրը, երբ առաջին
անգամ ժպտեցար ինձի քու այն սուգի ճերմակ
զգեսաներուդ մէջէն. դուն այրի թագունին, ես
քու զօրավարդ: Այն օրէն, Թեօճանօ, անընդհատ
յաջողեր է ինձի ամէն բան, ինչ որ բռներ եմ,
ինչ որ ըրեր եմ, և՛ վարչութեանս մէջ և՛ կուրի
գաշտին վրա:

Թեօճանօ — Իրան:

Կայսր — Ատոր համար է, որ ամեն անգամ, երբ
նոր ու լուրջ քայլ մը կ'անեմ, այ, ինչպէս այսօր,
կ'ուզեմ որ դուն ըովս ըլլաս, կ'ուզեմ նայիմ, այ,
այսպէս քու այդ եղնիկի խոշոր աչքերուդ,
որուն խորքէն բաղդս միշտ ժպտեր է ինձի:
Աղօթքի պէս անհրաժեշտ բան մըն է ատիկա
հոգիիս համար:

Թեօճանօ — Երջանիկ եմ:

Կայսր — Գնահ փոխէ հագուստներդ ու եկուր: Վասիլ:

3

Թեօճանօ կ'երթա դէպի նակսի աջ ոսկի դունակը,
կը բանա ծոյլ շարժումով մը, կը մտնէ ու կը գոցէ:
Մինչ կողմնակի աջէն կու գա Վասիլ Լեկապէն, բարձ-
րահասակ ու քիկնեղ. ներքինի է. իր աննազ դեմքին
վրա մշտական սառած ժպիտ մը: Կայսեր առաջին սենա-
կապէսն է ու անձնական խորհրդակցանք՝ պարզօրէն մտնելու:

Կայսր անոր կ'երկարէ ձեռքի կայիսունը, անոր
օգնութեամբ կը հանէ ծիրանին ու բազր: Այդ միջոցին
է, որ կը խօսի:

6

Կայսր — Ի՞նչ նոր:

Վասիլ Լեկապէն — Կեանքդ երկար, տէր: Յովսէփ
Բրինկաս մեռեր է իր քրտորին մէջ:

Կայսր — Նոր է մեռեր: Անիկա ինձի համար մեռաւ
այն օրը, երբ ես յաղթական զնդերուս գլուխը
անցած Ոսկի դռներէն ներս մտա Կոստանտինա-
նոսի այս աշխարհակալ քաղաքը ու բարձրացա
այս գահը: (Կը ըստ ըրանա, կը նստի:)

Վասիլ Լեկապէն — Այն օրը մեռան քու բոլոր թշնա-
միներդ, տէր:

Կայսր — Ի՞նչ արագ կը թռչի ժամանակը:

Վասիլ Լեկապէն — Գուցէ, բայց ոչ ապարդիւն. ինչքան
գործ է տեսնուած այս քանի մը տարւան մէջ:

Կայսր — Իրան է, շատ աշխատեցա:

Վասիլ Լեկապէն — Եւ ի՞նչ գործ: Պէտք է մենք
ետ երթանք դարեր ու դարեր, մինչև Յուստին-
նիանոս, որ գտնենք վերջապէս մէկը՝ արժանի
քեզի հետ համեմատուելու:

Կայսր — Յուստինիանոս: Իսկ ուրիշ ոչ-ոք:

Վասիլ Լեկապէն — Ուրիշ:

Կայսր — Թող հինը: Բայց, այ, այնքան դէմքեր
կան շուրջդ պալատիս մէջ, դուրսը բանակիս մէջ-
միթէ անոնց մէջ չեմ գտներ նոյնիսկ մէկը:

Վասիլ Լեկապէն — Տէր, մեծ պետերուն մեծ ծառա-
ներ, անշնչոտ, բայց այդ բոլոր բազմութեան մէջ
ո՞վ կա, որուն փառքը հաւասար գա քու փառ-
քիդ, որուն տաղանդը մրցի քու տաղանդիդ, և որ
անունն է, որ կընա հնչեր հոս քու անունիդ դէմ:

4

Աւագ արտոգապետ — (Բարձրացնելով ճակտի վա-
րագոյրը կը յայտարարէ բարձր ու պաշտօնա-

7

կան, հատիկ-հատիկ) Օհան Գուրգէն, արեւելեան բանակներուն վերին հրամանատարը, կոմս, պատրիկ ու մակիսարոս:

Կայսրը — (Կը ցնցուի, ու խոժոռ) Թող գնա:

Արարողապետը աւելի կը բարձրացրնէ վարագոյրը եւ հեռուն կ'երեւա Օհան Գուրգէն, քառասունը անց, փոքր ու նուրբ, նկուն ու համաչափ: Մազն ու մօրուքը աւելի շեկ. արտայայտիչ ու գրաւիչ դիմագծեր: Շարժումը կեցւածն ու խօսքը պարզ ու ազնւական:

Օհան Գուրգէն — (Հագիւ ներս մտած՝ արարողապետին) Բայց, բարեկամս, կարծեմ կարիք չկա այսպէս ամեն անգամ իմ բոլոր տիրոջներս շարելու: Չենք մոռնար, մի վախնար:

Աւագ արարողապետը — (Երանար) Պալատական հնաւանդ սովորութիւն մը միայն, ինչպէս որ լաւ գիտէ մեծ հրամանատարը: (Կը քաշուի դուրս):

5

Օհան Գուրգէն — (Կ'երթա շիտակ կայսեր դէմը ու կը կենա աջ ձեռքը վեր) Առողջութիւն կայսեր:

Կայսրը — Ողջոյն, հրամանատար:

Օհան Գուրգէն — Որը սակայն արդէն սկսեր է մոռնալ, թէ ինքն է գլուխը այն հեռաւոր գնդերուն:

Կայսրը — Ի՞նչ ընեմ, Վասիլ, որ այս մարդը դժգոհ չըլլա:

Օհան Գուրգէն — (Նուրբ հեզմութեամբ) Դժգոհ. այսօր քան պատիւներուն, մեծարանքին ու այն բացառիկ ուշադրութեան հանդէպ, որ քու կայսերական բարձրութիւնդ հաճած է թափել իմ վրաս:

Կայսրը — Թող: Գիտեմ, որ Աստու պահած այս քաղաքը մասնաւոր հրապոյր մը չունի քեզի համար: Գիտեմ, որ քու խելքդ լեռներդ է, արարական սահմաններդ:

8

Օհան Գուրգէն — Ներող պիտի ըլլա կայսրը. հին զինուորի մը արմատացած նախասիրութիւն:

Կայսրը — Իսկ Էս. կը կարծես իմ հաճոյքիս համար է, որ նստեր եմ այս ոսկեզօծ պատերուն ետին:

Օհան Գուրգէն — Դուն կայսր ես:

Կայսրը — Նախ զինւոր: Բայց զինուորը պիտի ըլլա հոն, ուր պարտականութիւնը կը կանչէ և ոչ թէ հոն, ուր իր նախասիրութիւնները կը քաշեն: Հոս պէտք ես դուն ինձի:

Օհան Գուրգէն — Բայց...

Կայսրը — Նորէն բայց: Բայց... դուն մարդը համբերութենէ կը հանես:

Օհան Գուրգէն — (Վիրաւորւած) Քու խոնարհ ծառայ:

Կայսրը — Թող յիմարութիւնը: Ես ալ քեզի պէս ժամ մը առաջ բանակ կ'երազեմ ու Ամանոսի բարձունքը: Թող որ աւարտեմ պատրաստութիւնս: Այնպէս չէ՞, Վասիլ:

Վասիլ Լեկապէն — Կայսրը իրաւունք ունի, հրամանատար, պէտք է համբերես քիչ մըն ալ:

6

Մեծ լոկորդը — (Կողմնակի աջէն) Վայ, կոմս, այս ինչ բազդ, ինչ երջանկութիւն, ինչ հազադէպ պատիւ պալատին մէջ հանդպիլը քեզի: Եւ, ճշմարիտ, խելօքը դուն ես, դուրսը եղողներդ: Հոս պալատին մէջ ոչ գիշերն է յայտնի, ոչ ցորեկը: Գլուխ քորելու ժամանակ չկա: Ա՛յ, հիմա ալ թէն անչափ կը ցաւիմ, բայց ստիպւած եմ ընդհատելու մեր այս հմայիչ տեսակցութիւնը: (Կայսեր) Պէտք է ստորագրուի, տէր:

Կայսրը — Իսկոյն: (Մտն կենսալով Գուրգէնին) Մեր

9

դաշինքն է Սվեադոսլաւի հետ: Ի՞նչ կ'ըսես: Հ'ը.
լճու ես:

Օհան Գուրգէն — (Կարծես ահամա) Ինչո՞ւ կը կանչես այդ վտանգաւոր գաղանը Բուլկարիա:

Կայսրը — Ե՞ս պիտի բացատրեմ քեզի: Այդ անիծած ուռնները առաջին օրէն աչքերնին տնկեր են մեր հոյակապ քաղաքին վրա: Չշեղէ՞ք ուրիշ կողմ իրենց ախորժակը:

Օհան Գուրգէն — Մինչև հիմա ծովուն ճամբան գիտէին. հիմա սորվեցուցիր և ցամաքի ճամբան. Դանուբ, Բալքան, Անդրիանուպօլիս, վաղը կ'ըլլան մեր պարիսպներուն տակը:

Կայսրը — (Ժիծաղելով) Ի՞նչ, Վաղը... հ'ը, հ'ը, հ'ը, հ'ը: (Ժեծելով անոր ուսը) Մի վախար. քեզի պէս զօրավար ունիմ ու քեզի պէս քաղաքագէտ, թող գան: (Արագ դուրս աջէն):

Մեծ Լոկոբէզը — Խորին յարգանքներուս մշտական հաւաստիքը, կո՛մս: Նախանձելի մարդ էք, ճշմարիտ. կայսեր փայփայանքն էք դուք, ժողովուրդի սիրելին, կանանց պաշտամունքը: Ընդունեցէք և իմ երկրպագութիւնս: (Դուրս կայսեր ետեւէն):

7

Օհան Գուրգէն — Իսկ այս կաշաղակի պոչը ինչո՞ւ կը պահէք պալատին մէջ, ո՞վ պարզիմոմէն:

Վասիլ Լեկապէն — (Ժիծաղը զսպելու ջանքով ու խոնարհ) Կայսեր կամքը, հրամանատար: Անիկա անշուշտ գիտէ իր ընտրածը:

Օհան Գուրգէն — Բարի վայելում. թող պահէ: Բայց ինձի. ինձի ինչու կը պահէ:

Վասիլ Լեկապէն — (Սոնարհ) Կայսեր կամքը, հրամանատար: (Ընդգծելով) Ձօրքէն ու ժողովուրդէն

սիրւողը այս պատերուն մէջ չի սիրւիր: (Շեշտը փոխելով) Բայց դուն, ահա կը տեսնես, որ բացառութիւն մըն ես, բաղդաւոր բացառութիւն մը:

Օհան Գուրգէն — Աղպէս:

Վասիլ Լեկապէն (Խորհրդաւոր) Քաջ ու խելօք միջակ մարդիկ շատ կան գուցէ մեր շուրջը, բայց յանդուգն ու կարող... (ղժար արտասանելով) ի՞նչ ամենքը: Յաջողութիւն կը ցանկամ քեզի, հրամանատար, կը ցանկամ միշտ յաջողութիւն:

Օհան Գուրգէն — Գիտեմ, Վասիլ Լեկապէն, որ բարեկամներ ունիմ պալատին մէջ:

Վասիլ Լեկապէն — Յտեսութիւն, հրամանատար: Կը ներես, որ երթամ տիրոջս ետեւէն: (Դուրս):

8

Օհան Գուրգէն կեցած է պահ մը մտածկոց, անտարժ ու շիտակ: Զգուշ կը բացւի ցակի աջ ոսկի դռնակը ու կ'երեւա թեօֆանօ: Հագւած է քեթեւ, բափանցիկ մետաքս, մագերուն մարգարայեռ վարսակալ, վրայէն ալ երկար օղբու միկնել ոտերը. ծածուկ ու անմասուն կը մօտենա Գուրգէնին, քայլ մը հեռու կանգ կ'առնէ:

Թեօֆանօ — (Յանկարծ) Ձօրավար:

Օհան Գուրգէն — (Կը ցնցրի, կը դառնա ու ահամաքայլ մ'ըլլ ետ) Թագուհին:

Թեօֆանօ — Ի՛նքը:

Օհան Գուրգէն — Ինչպէ՞ս եկար և ուրկէ՞:

Թեօֆանօ — Ինչպէ՞ս կու գա բաղդը և ուրկէ՞:

Օհան Գուրգէն — Բա՞ղդը...

Թեօֆանօ — Այսօր ինձի ըսին, որ ես եմ բաղդը:

Չէ՞ք սպասեր իր գալուն:

Օհան Գուրգէն — (Ակնթարթ մ'ը կը խորհի) Կ'ըսպասէի:

Թեօֆանօ — Այո՞...

Օհան Գուրգէն — Այո՛, թագուհի: Քու նայւածքդ պատմեր էր ինձի այդ հրջանիկ հեքիաթը:

Թէօճանօ — Ատճր համար է, որ մնալ չես ուզեր ու կը փախչի սիրտդ հեքիաթներու այս քաղաքէն:

Օհան Գուրգէն — Ա՛խ, լսեր ես մեր խօսածը:

Թէօճանօ — Ես կը լսեմ ամեն խօսւած. զգ՛նչ:

Օհան Գուրգէն — Կը տեսնեմ, թագուհի, կը խոնարհիմ:

Թէօճանօ — Ես կը սիրեմ հպարտներուն խոնարհիլը. ես կը սիրեմ կտրիճներուն հնազանդիլը: (Կտրուկ) Դուն կը մնաս հոս մեր երջանիկ քաղաքը:

Օհան Գուրգէն — Քանի որ այդպէս կը վճռէ բաղդս:

Թէօճանօ — Հաճո է ինձի քու լեզուդ, հաճո է ինձի քու արիութիւնդ, հաճո է ինձի քու աւնութիւնդ:

Օհան Գուրգէն — (Ժուներ իջնելով) Ահա ես՝ քու ստրուկդ՝ քու ոտքերուդ տակը:

Թէօճանօ — (Կերկարէ ձեռքը) Բռնէ ու ելի՛ր:

Օհան Գուրգէն — (Կը համբուրէ շրթունքին ծայրովը կ'ելնէ ոտքի) Հրամայէ, թագուհի. ինչ որ կ'ուզես:

Թէօճանօ — Խօսքով պիտի ըլլա հրամանս:

Օհան Գուրգէն — Իրաւ ես: Քու գալը արդէն հրաման է:

Թէօճանօ — (Բարեհաճ ժպիտով մ'ը կը քաշի ետ-ետ իր դռնակը) Ուրեմն...

Օհան Գուրգէն — (Պահ մը մինակ, շիտակ ու հպարտ-յանկարծ կը նետուի ճակտի վարագոյրէն դուրս):

Քիչ մը ետք աջեկ կը մտնէ կայսր յարգանքով բռնած ալեւոր հոգեւորականի մը թեւեկ: Վերջինս կորափամակ ու դողդոջուն: Կայսր կը բերէ, կը նսեցընէ բազկաթուին, ինքն ալ կը փառի ետ դեպի իր գահը:

Հոգեւորականը — (Շունչը կանոնաւորել ջանալով) Նիկեֆոր կայսր, կանչեր էիր ինձի:

Կայսր — Բայց հանգստացիր, դեռ հանգստացիր:

Հոգեւորականը — Հանգիստը այս աշխարհի համար չէ:

Շուտով, շուտով, մօտ է, կու գա և իմ հանգիստը:

Կայսր — Ներէ՛, որ նեղութիւն կու տամ քու այդ յոգնած տարիքիդ: Բայց վարժուեր եմ, կարօտն ունիմ քու սուրբ տեսքիդ, իմաստուն խօսքիդ:

Հոգեւորականը — Նիկեֆոր կայսր, սուրբն ու իմաստունը Աստուած է միայն: Ես մեղաւոր մարդ մըն եմ, ապաւինած իր անասիման ողորմութեանը ու կ'ըսպասեմ հողի կանչին: Դուն խօսէ քեզմէ:

Կայսր — (Բիչ մը լուռ) Քու շրթունքներդ էին, որ առաջին անգամ յայտնեցին ինձի Աստուած անձառ տնօրինութիւնը. կանուխէն, շատ կանուխէն: Կը յիշե՞ս խօսքերդ. ըսիր, որ ես բարձրանամ պիտի վերերը, այնքան վերերը, ուր միայն Աստուած ընտրեալները կը դնեն իրենց ոտքը. ըսիր, որ ես պիտի ըլլամ ամենէն վերը և ոչ-ոք ինձի չի պիտի հասնի:

Հոգեւորականը — Այո՛, Նիկեֆոր կայսր. ես այդպէս ըսի: Ինչո՞ւ կը կրկնես:

Կայսր — Հայր-սուրբ, կ'ուզեմ որ ըլլա, ինչպէս որ ըսիր:

Հոգեւորականը — Նճր պիտի ըլլա: Դուն կայսր ես անա՛:

Կայսր — Եւ ոչ-ոք ինձի չի պիտի հասնի: Դուն այդպէս ըսիր:

Հոգեւորականը — Ո՞վ է քեզի հաւասար աշխարհիս երեսին:

Կայսր — Ոչ-ոք աշխարհիս երեսին, ոչ-ոք աշխարհի դիմաց: Բայց ատ հերիք չէ: Ես չեմ կրնար հանդուրժեր, որ ուրիշ մը քովս կեցած իր հողիս միջէն յանդգնի չափելու իր բազուկը իմինս, իր արեւստը իմինս ու հպարտանա իր սրտին խորքը: Ո՛չ, չի պիտի հպարտանա ո՛չ իր խելքովը, ո՛չ շնորհքովը, ո՛չ իր զէնքովը:

Հոգեւորականը — Իսկ թի է ան, որ կը հպարտանա:
Կայսրը — (Քիչ մը լուռ:) Կան մէկը, որուն գոռոզ
աչքերը վերէն կը նային աչքերուն խորքը:
Հոգեւորականը Ո՞վ է այդ մէկը:
Կայսրը — Այդ մէկը... այդ մէկը... (կը լռէ:)
Հոգեւորականը — Քու ազգականդ է, քու զէնընկերդ,
քու հին ընկերդ:
Կայսրը — Ուրկէ՞ գիտես դուն:
Հոգեւորականը — Ուրիշ թի կրնա մրցիր քեզի հետ
թէ իր խելովը, թէ շնորհքովը, թէ իր զէնքովը:
Կայսրը — (Մոռալ) Ուրեմն կ'ըզգաս և դուն:
Հոգեւորականը — Բայց անիկա քեզի հետ է եղեր միշտ,
կուեր է քեզի համար, յաղթեր է քեզի համար:
Կայսրը — Իր ծառայութիւնը ես վարձադրեր եմ միշտ:
Հոգեւորականը — Եւ այնքան ջանք է թափեր ան, որ
դուն դառնաս կայսր, իր կեանքը դրեր է յաջո-
ղութեանդ համար և իր ձեռքովն ալ ամբողջ
բանակիդ առջևը կապեր է ոտքիդ այդ կարմիր
կօշիկները:
Կայսրը — Ան որ չկապէր, պիտի կապէր ուրիշ մը:
Հոգեւորականը — Խօսքերդ կը պատմեն, որ հանգիստ
չէ հողիդ: Նիկեֆոր կայսր, մի փաթթեր խղճիդ
կայէնը:
Կայսրը — Հապա ինչո՞ւ իր ամբարդաւան հողին խո-
նարհել չուզեր առջևս:
Հոգեւորականը — Ամբողջ աշխարհք մըն է քու առ-
ջևդ խունարհեր և բիւր բիւրաւորներ են քեզի
երկրպագու: Մի մոռնար:
Կայսրը — Ինչի՞ս է պէտք բիւր բիւրաւորներու եր-
կրպագումը, եթէ այդ մէկը չպիտի ըլլա անոնց
ամբոխին մէջ: Տես, ես կեցած եմ հոս, գագաթը,
հասեր եմ հոս իմ յամառ աշխատանքովս ու

տարիներու երկար պայքարով: Հիմա իմս է այս
գագաթը, իմ իրաւունքս և միայն իմ: Միւս
ամենքը պէտք է խոնարհին. այն գլուխը, որ շիտակ
կը մնա իմ դէմս, պէտք է թաւալի:
Հոգեւորականը — Մի սպառնար, ինչ որ ընել չես
կրնար:
Կայսրը — Ո՞վ պիտի արգելէ: Չէ որ Աստուծ իմ
ձեռքս է դրեր սուրը, չէ որ իմ կամքս է օրէնքը:
Հոգեւորականը — Այդպէս, Իսկ ի՞նչ կ'ուզես ինձմէ:
Կայսրը — Օրհնութիւնդ, ինչպէս միշտ:
Հոգեւորականը — Օրհնութիւնս, որ սպաննես:
Կայսրը — Ի՞նչ ըսել է: Այնքան-այնքան արիւն եմ
թափեր ես՝ դուն քու օրհնութիւնդ չես զլացեր
ինձի, այնքան-այնքան արիւն են թափեր ինձի
համար՝ դուն քու օրհնութիւնդ չես զլացեր ինձի:
Հոգեւորականը — Նիկեֆոր կայսր, նախանձը անար-
ժան ընկեր է կայսր հոգիներու: Վաճառէ՛ ահան-
ջիդ ետեւն:
Կայսրը — Մտրդ, դուն ապրեր ես աշխարհքէ քաշ-
ւած, դուն չես ճանչցած կեանքը. դուն չես ե-
ղած այն բարձունքներուն վրա, որը ինքդ ես
գուշակեր ինձի համար: Երկու հողի տեղ չկա
այսքան բարձրերը...
Հոգեւորականը — (Կ'ելնէ ոտքի, ձեռքը կը բարձրա-
ցնէ վեր ու կ'ըսէ հատիկ-հատիկ դողդոջուն
ձայնով) Լսէ, Նիկեֆոր կայսր, այն մարդուն
ձայնը, որը չէ եղեր երբէք այդքան բարձրերը:
(Լուռ:) Նիկեֆոր կայսր, եթէ դուն ձեռք բարձ-
րացնես քու եղբորդ վրա, որը հասցուց քեզի
այսքան բարձրերը, եթէ դուն ձեռք բարձրացնես
ընկերոջդ վրան, որ կապեց ոտքիդ այդ կարմիր
կօշիկները, գիտցի՛ր, չես մնար ինքդ այդ բարձ-

բութեանը, գիտցիր, չեն մնար ոտքիդ այդ կարմիր կօշիկները:

Կայսր — (Սեղմւելով իր գահին) Հայր-սուրբ...
Հայր-սուրբ...

Հօգեւորականը — (Վար կ'անէ ձեռքը ու դէպի դուռը):
Կայսր — (Կը ցատկէ ոտքի, առանց գահը թողնելու)
Կ'երթաս, հայր-սուրբ. արդէն երթա՛մ կ'ուզես:

Հօգեւորականը — Կ'երթամ: Կ'երթամ, որ աղօթեմ:
Կ'երթամ, որ աղօթեմ Նիկեֆոր կայսեր համար,
որուն ձեռքն է դրեր Աստած սուրբ, որուն
կամքն է օրէնքը...



Բ. ՏԵՍԱՐԱՆ

ԱՐՔՈՒՆԻ ՊԱՐՏԷՉ. ԾՈՎԵՉԻ

Ծառերով, գալարուկներով ու հարաւի բոյսերով մեկուսացած հովասուն անկիւն մը: Խորք ժայռեր են, որ ծովու փոքրիկ խորք մը կը կազմեն: Աւելի հեռուն բաց ծովն է, որ արեւի կեսօրուան շողերուն տակ կը ցոլցա ակնախիտ:

Դեմ-դեմի երկու ֆառն մտաբան, մահիկաձեռ ու քիկուկով, որոնցմէ մեկուն վրա նստած է քաղուհին. բարձր մեջքին, քեւերուն ու ոտներուն տակ: Երկու աղջիկներ կեցած են ետեւը ու արմաւենի հովահարներով հով կու տան մեջքի մէջ. մօտը կեցած է երրորդ մը՝ ձեռքը ոսկի հայելի: Ուրիշ պալատական սիկիւններ ու օրհորդ-

ներ ցրած են հոս ու հոն, նստած, կայնած, լեցած ծառին. մեկ-երկու հոգի ալ գետնը, քաղուհիի ոտներուն մօտիկ:

Մեջտեղը կեցած է Կուզ պառուար, կարեանասակ, խիստ բուխ դեմքով, մազերը ցանցի մեջ, վրային բունդ կարմիր ժապաւեն մը, ակնաջներուն երկար օղեր:

Երբ տեսարանը կը բացուի, բոլորը բարձրաձայն կը խնդան. Թաղուհին ընկողմանած է ու կը ժպտի:

Դեմուհին — (Մուր տալով) Ը՛րբ, գրողս քեզի: Իսկ դուն գո՞ղ ես, գո՞ղ, գո՞ղ:

Կուզ պառուար — Հն. բայց ինչքան ալ կ'աշխատիմ՝ չեմ հասնիր մարդուդ:

Դեմուհին — Ի՞նչ ըսիր:

Կուզը — Ես կը գողնամ երկու մատով իր կընկանը ծակ գրպանէն, ան կը գողնա լիքը բուռով կայսեր լեցուն գանձարանէն:

Դեմուհին — (Կը նետի պատուին վրա, բայց կը զսպէ ինքզինքը ու կը դառնա թաղուհիին) Բազիլիսա, իրաւունք տուր. իրաւունք տուր՝ փետտեմ այդ անամօթին մազերը:

Թեաւուհի Թրինա — Մազեր պիտի ըլլան, որ փետտես:

Կուզը — (Մատնանիչ իրինան) Իրաւ կ'ըսէ իշխանունիս: Ես ու ինքը սովորութիւն չունինք մազ պահելու. կեղծ են երկուքն ալ:

Մէկը — (Իրինային) Կերար:

Թեաւուհի — Ո՛չ, դքսուհի, ձեռք բարձրացնել կարելի չէ պառուար վրան: Լեղում խեղդէ, եթէ կընաս. տւեր եմ բացարձակ ազատութիւն:

Դեմուհին — Ա՛խ, պիտի չըլլար թաղուհիին արգելքը, որ ես ատոր կուզը տափակցնէի:

Երեսաստղ կին մը — Հն, քրքրէինք քիչ մը կուզը.



Ը 9 - 0141

տեսնէինք ի՞նչ կա մէջը, որ այդպէս գիշեր-ցե-
րեկ շալակը առած կը պտըտցընէ:

Կուզը — Մի վախնար, պարտիզպանին տղան չէ մէ-
ջինը. որովհետև ան ցերեկները ծաղիկներուն ծոցը
կ'ըլլա, գիշերները՝ քն:

Երթասարդ կիներ — Աստու կրակին գաս դուն:

Ընդհանուր ծիծաղ

Կուզը — Եւ վերջապէս իմ կուզիկս շատ էք տեսեր:
Հետաքրքիրը ձեր կուզերն են, ա՛յ, ասորը, անորը...

Տարիֆոս կիներ — Ե՛ս: Ես կուզ չունիմ:

Կուզը — Ունիս: Ձեզմէ ամեն մէկը ունի իր կուզը, որ
գիշեր-ցերեկ շալակը առած կը պտտցընէ: Միայն
այսպէս է աշխարհիս բանը՝ կուզիկի կուզը կը
տեսնէ անկուզը, անկուզի կուզը կը տեսնէ կու-
զը: Կ'ուզէս բանամ քու կուզը:

Չայներ — (Խնդալով) Բաց, բաց, տեսնենք:

Կուզը — Է՛, շատ բան չէ մէջինը. աղօթք ու բամբասանք:

Տարիֆոս կիներ — Տեսնք կերած ապուրը:

Չայներ — Յաջորդը... յաջորդը... Իշխանուհի Կնզիան:

Իօխանուհի Կազիա — (Երիտասարդ աղջիկ մըն է:
քաշելով) Ո՛չ. ոչ ինծի, թո՛ղ ինծի, թող:

Կուզը — Ինչո՞ւ, իմ սիրունիկս, քու կուզիկիդ մէջինը
աղնիւ պարանք է:

Չայներ — Ի՞նչ է... ի՞նչ է... ըսէ... ըսէ...

Կուզը — (Չինտրական ըարեւի կենալով) Արևելեան
բանակներուն քաջարի հրամանատարը...

Մէկը — Օ՛ճ... Օճան Գուրգէնը:

Իօխանուհի Կազիա (Շիկնած) Սո՛ւտ է, սո՛ւտ է:

Դեսուհին — (Ընդգծելով) Յաջորդը:

Կուզը — (Վարանտ) Ա՛. պատրիկուհի Ապամբաս...

Պատրիկուհի Ապամբաս — (Խորխոս) Անդին:

Կուզը — (Միաներուն) Կը վախնամ բանալու:

Դեսուհին — Վա՛յ: Չէ՞ որ խաղ մըն է աս, թագուհիին
գլարճութիւնը. ինչէ՞ն կը վախնաս:

Կուզը — Կը վախնամ, որ փոթորիկ բարձրանա. ո-
րովհետև անոր կուզին մէջինը փուք է, մեծա-
մտութիւն, ուռեցք ու քամի. Եւ՛րոս...

Ծիծաղ ու ծիծաղը զսպելու ջանք:

Պատրիկուհի Ապամբաս — Բայց ինծի կը թւի, որ
այդ միմոսի լեզուն չափը անցնիլ սկսաւ:

Թէօփանո — (Խոճոճ) Կը լսէս, Անասդասիա, պատ-
րիկուհին կը գտնէ, որ իմ թոյլտուութիւնս չափը
անցնիլ է սկսեր:

Կուզը — Որ ըսի՛ փոթորիկ պիտի բարձրանա:

Թէօփանո — Հերթք է: Անցի՛ր ներս: Անցէք և դուք:
Կոմսուհի Արկիրան կը բաւէ ինծի:

Կոմսուհին, խորամանկ դիմագծերով երկար ու
չոր կին մը, նոր է ներս մտած ու լուռ կեցած է մեկդի՛
ձեռքերը ծալլած կրծքին: Այդպէս ալ անտարժ կը մնա,
մինչ միւս բոլորը կ'եղեն իրենց սեղերէն, խոր գլուխ
կու սան ու կը հետաւան ձախի ծառերուն մեջէն: Պատ-
րիկուհին վերջիններէն է, կ'ուզէ հետեւի անոնց: Թագու-
հին կարգիլէ ձեռքի քերել շարժումով մը:

2

Թէօփանո — (Ժանը կ'ելնէ տեղէն ու ըսյլ մը կ'ընէ
դէպի պատրիկուհին) Այսպէս ուրեմն, լեզուի չա-
փը սիրող Պատրիկուհի Ապամբաս, դուն յունա-
կան ամենահին ընտանիքի մը աղնւական զարմն
ես, իսկ ես գուհիկ գինեպանի մը աղջիկը:

Պատրիկուհին — (Մարսապիտար ետ-ետ կ'երթա) Ի՞նչ...

Թէօփանո — Մի կեղծեր: Չէ՞ որ այդպէս ես ըսեր:

Պատրիկուհին — Ե՛ս:

Թէօփանո — Դուն:

Պատրիկոսիին — Ատիկա քեզի ըսողը իմ կորուստս կը
 նիւթէ: Սնւտ է, Բագրիլիսա:
 Թէօճանօ — Սնւտ է: (Քմծիծաղ) Ինչո՞ւ է սուտ:
 Դուն գեղեցիկ ես, շատ ես գեղեցիկ, բայց ես
 գեղեցիկ եմ քեզմէ ալ աւելի: Ա՞ս ալ սուտ է:
 Պատրիկոսիին — Բայց, Բագրիլիսա...
 Թէօճանօ — Գնն. պէտք չէ ինծի քու արդարացումդ.
 միայն նայէ, որ քիչ երևաս աչքիս:
 Պատրիկոսիին կը հեռանա այլալա՛ծ:

Կոմսուհի Արկիրա — Աստուծ իմ, այդ տեսակ ուր
 խօսք: Ո՛չ, Թագուհի, չեմ հաւատար:
 Թէօճանօ — Հապա իր հետաքրքիր աչքերը, շարու-
 նակ ետևէս ու առջևէս: Ոտքերուս դէմը քար
 չի պիտի իյնա, Մեղանիա:
 Կոմսուհիին — Քարը իյնա թշնամիներուդ գլխուն: Ո՞վ
 կրնա ըլլար քու կամքիդ արգելք: Ամենքը, Թա-
 գուհի, ու ամեն ինչ ստեղծուած է քու վայելքիդ
 համար, քու վայելչութեանդ:
 Թէօճանօ — (Նրազկոտ) Ես պէտք է մնամ գեղեցիկ,
 ես պէտք է մնամ Թագուհի:
 Կոմսուհիին — Թող արեւդ երկար ըլլա. դուն կը մնաս
 միշտ ան, ինչ որ ես:
 Թէօճանօ — Ո՛չ այդպէս: Ես կը ցանկամ նորէն ու նորէն
 գեղեցիկ, միշտ նոր գեղեցիկ. ես կը ցանկամ
 նորէն ու նորէն Թագուհի, միշտ նոր Թագուհի:
 Պէտք է լեցընես կիանքիդ բաժակը միշտ նոր ու
 նոր, որ չցամքի:
 Կոմսուհի — (Ժպտուն) Ուրիշ խօսքով՝ տամ նշանը,
 որ նաւակը մօտենա:
 Թէօճանօ — (Յուզած կը ցատկէ ոտքի) Նաւակը:

Կոմսուհի — Այո, Թագուհի, հրեանդանի ետին:
 Թէօճանօ — Ինչո՞ւ չէիր ըսեր:
 Կոմսուհի — Թողի որ ասոնք քաշէին. և դուն կը խօ-
 սէիր: Կանչէ՛մ:
 Թէօճանօ — Կեցիր: Պէտք է հանգիստ, բոլորովին հան-
 գիստ: Էրիկ-մարդու սանձը պէտք է ձեզ պահես:
 Կոմսուհիին — Անոնց սանձը միշտ է եղեր բուռիդ
 մէջը, Թագուհի: Բացառութիւն չէ և այս մէկը:
 Թէօճանօ — (Կը լռէ պահ մը աչքերը զոց, ետքը կը
 քանա կամաց ու կ'ըսէ հանգիստ) Թող գա:

Կայսրուհին ցած է իր տղը մինակ ու հպարտ:
 Ժայռեուն մէջէն պզտիկ նաւակ մը կը մտնէ խորը:
 Օհան Գուրգէն ահագին լայնեզր գլխարկ մը գլխուն կը
 ցատկէ ցամաք, գլխարկը կը հանէ, կը նետէ նաւակին
 մէջ ու ինքն ալ կու գա շիտակ դեպի կայսրուհին:
 Թէօճանօ — (Ժպտուն, բայց կտրուկ ու հանգիստ
 շարժումով մը) Ո՛չ, ո՛չ, կեցիր հոտ. մի մօտենար:
 Օհան Գուրգէն — (Կը բարձրացնէ զլուխը) Ինչպէ՞ս:
 Թէօճանօ — Հեռուէն, հեռուէն:
 Օհան Գուրգէն — Ինչո՞ւ:
 Թէօճանօ — Իմ կամքս չէ: Այդպէս կ'ուզեմ ես:
 Օհան Գուրգէն — Նոր սահմաններ:
 Թէօճանօ — Դիցնա՛ք:
 Օհան Գուրգէն — Բայց ես ատեր եմ միշտ բոլոր սահ-
 մանները, թէ հին, թէ նոր: (Կ'երթա դէպի կինը):
 Թէօճանօ — (Ոտքի կ'ելնէ ձեռքի արգիլող շարժու-
 մով մը) Ո՛չ՛ ըսի:
 Օհան Գուրգէն — (Բռնելով ձեռքը) Նայէ ինծի:
 Վայրկեան մը լուռ ու յամառ կեցած են աչք-աչ-

քի, ձեռն-ձեռքի, կարծես պատրաստ կուելու: Յանկարծ կայսրուհին կը քաշէ ձեռքը եւ ու քեւերուն բոլոր ստովը կը գալարի տղուն վիզը: Կը գրկելին:

Թէօճանօ — Միայն չերևակայես, թէ կը սիրեմ քեզի: Ես ոչ-մէկը չեմ սիրած կեանքիս մէջ, ոչ-մէկը. և երբէք ալ սիրելու չեմ. կը հասկընամ, երբէք, ոչ-մէկը: Աս, այնպէս, խաղ մըն է. այդպէս կ'ուզէ հաճոյքս, քմահաճոյքս:

Օհան Գուրգէն — Լսէ, Թէօֆանօ. ամիսէ մը անցնի պիտի զօրքը արարական սահմանը. երկու օրէն կը մեկնիմ ես՝ բանակները շարժման մէջ դնելու:

Թէօճանօ — (Ժաղրով) Ա՛, վերջապէս. կ'ազատիս բանդէդ, ոսկի վանդակէդ: (Լուրջ) Ո՛չ, չես ազատիր: Ամբողջ ամառը քեզի, կռիւներուդ, արաքներուդ, ինչի որ կ'ուզես: Բայց աշունը գալուն պէս դարձող զօրքին հետ պէտք է ըլլաս հոս: Լսեցիր: Ձմեռն ու գարունը դուն իմս ես:

Օհան Գուրգէն — Ո՛չ, թաղուհի, ես վճռած եմ այլևս ոտք չդնեմ այս քաղաքը... Իբրև մուրացիկ:

Թէօճանօ — Մուրացիկ:

Օհան Գուրգէն Ամեն գալուս նոյն յաղթական տափակ ընդունելութիւնը Ոսկի դռներէն մինչև կրկէսը. վրայէն ալ արքունի գանձէն նւէր մը խոշոր. ողորմութիւն չէ, հապա ի՞նչ է, որ մուրացիկանի մը առջևը կարծես կը նետեն: Եւ վերջապէս դուն, ի՞նչ է այս քու սէրդ, Թէօֆանօ: Դուն ինքզինքդ կու տաս ինծի, ինչպէս ողորմութիւն մը, որ կը հաճին մուրացիկանին:

Թէօճանօ — (Մտնելով) Զօրավար...

Օհան Գուրգէն — Ա՛յ, «զօրավար» կը նետես երեսիս, որովհետև զօրավար ըսածդ սուր մըն է միայն ուրիշի ձեռքին: Իսկ ես այլ ես չեմ ուզեր ըլլամ

սուր մը ուրիշի ձեռքին: Կ'ուզեմ ըլլամ իմ սուրս իմ ձեռքիս:

Թէօճանօ — Կ'ըմբռնես դուն ինչ որ լեզուդ էր խօսի: **Օհան Գուրգէն** — Կ'ուզեմ թարգմանեմ: Այս քաղաքը

մտնել ուզողը իր բանակներովը պիտի գա:

Թէօճանօ — (Կեցած է լուռ ու խոժոռ):

Օհան Գուրգէն — Լսեցիր.

Թէօճանօ — Յանդուկն է խօսքդ. կը վայլէ դէմքիդ:

Օհան Գուրգէն — Իոկ քու կամքդ,

Թէօֆանօ — Խօսքդ լսեցի. չտեսնո՞ւմ գործդ:

Օհան Գուրգէն — Լաւ. ուրեմն կրնանք բաժնւիր:

(Զեռքը կ'երկարէ հրաժեշտի):

Թէօֆանօ — (Առանց ձեռքը տալու եւ երգիծանքով)

Երբ գալու ըլլաս քու բանակներովդ, այն ատեն վճիռները կու տաս դուն. հիմա դեռ քիչիկ մը կանուխ է կարծեմ. դեռ իմս է հրամանը:

Օհան Գուրգէն — Հրամայէ:

Թէօճանօ — Այսպէս, պարտէզի մը չորս ճամբուն վրա չենք կրնար բաժնւիր իրարմէ: Վաղը կու գաս ինծի, հրաժեշտի: Կու գասնո՞յն ժամուն, նոյն ճամբով, որ գիտես. միայն խնդրեմ ոչ այդ լուրջ դէմքդ, ոչ ալ այդ ճգնաւորի տրամադրութիւնդ:

Օհան Գուրգէն — (Աշխուժ) Ո՛չ, Թէօֆանօ: Վաղը գիշեր լըջութիւնն աւ ճգնութիւնը, ինչպէս և բոլոր քրիստոնէութիւնս կը հանեմ, կը թողնեմ տունը ու կը մտնեմ նաւակս քու այն գողտրիկ ամառանոցդ գալու, ինչպէս հին հեթանոս յոյնը, երբ կը նստէր իր նաւը Աֆրոտիտէի կղզին սիրու տաճարը երթալու: Ինչպէս հին հեթանոս յոյնը կու գամ վաղը գիշեր, վերջին անգամ մը քու ևրկնային գեղեցկութիւնդ փառաբանելու ու պաշտելու քու աստուածային մերկութիւնդ:

Թեօճանօ — (Չեղորվը կը զոցէ անոր բերանը) Լոէ:

Հրամանատար կը համբուրէ կնոջ զոյց ձեռքերը, կը ցակի նաւակը, կը դնէ գլխարկը ու բիւվարելով կ'ելնէ խորեհն դուրս: Թագուհին կեցած է վայելի ժպիտք երեսին ու կը հետեւի հեռացող նաւակին: Գլխու քերեւ շարժումով մը վերջին անգամ բարեւելին ետքը, վեա ու յաղթական կը շարժի առաջ դեպի ձախի ելք:

5

Վասիլ Լեկապէն — (Նոյն միջոցին կը մտնէ աջէն, երկու քայլ կու գաի դէպի թագուհին եւ լսո ու խորը կը խոնարհի):

Թեօճանօ — (Նախ կանգ կ'ստնէ այլալսած, բայց իսկոյն կը զսպէ ինքզինքը ու կ'ըսկսի խնդալ շինծու-անհոգ ծիծաղով մը) Մեծ պարագիմոմէնը ելեր է պտոյտի. կարօտեր է ծովու հեքին, ծովուն բացին, անց ու դարձին... Հա՛, հա՛, հա՛, հա՛:

Վասիլ Լեկապէն — Չգիտէի, որ այս կողմն է թագուհին: Կը թափառէի աննպատակ:

Թեօճանօ — Ո՞վ կը կասկածի: Ու կը փնտռէր հետք մը միայն. է՛, գո՛հ ես հիմա. գոնէ ճանչցամք. ըսէ նայի՛մ՝ ինչ տեսար:

Վասիլ Լեկապէն — Ես ոչինչ չտեսա՛մ, կայսրուհի,

Թեօճանօ — Դարձիր. դարձիր կրունկներուդ վրա ու վազէ ինկիր տիրոջ ոտքերը, ինչպէս որ կը վայելէ հաւատարիմ շանը: Վազէ, ան կը վարձատրէ քեզի, կու տա ոսկի, կու տա պաշտօն: Գնա՛, շնուտ, ինկիր ոտքը ու պատմէ՛ ինչ որ տեսար:

Վասիլ Լեկապէն — Ես ոչինչ չտեսա՛մ, կայսրուհի:

Թեօճանօ — Հա՛. պահել կ'ուզես ձեռքդ այդ նոր ու սուր զէնքը, որ խաղցընես աչքերուս դէմը արեւուն տակ ու շինես ինծի ալ գործիք մը քեզի: Բայց չէ՛ս վախնար, որ յանկարծ խլեմ

ձեռքէդն որ զէնքդ ու նոյն զէնքով թափել տամ աչքերուդ լոյսը, որով դուն տեսար:

Վասիլ Լեկապէն — Ես ոչինչ չտեսա՛մ, կայսրուհի:

Թեօճանօ — (Կտրուկ) Այո՛, դուն ոչինչ չտեսար: Իրաւ է: Գաղտնիք մը չէ, Վասիլ Լեկապէն, ո՛չ քեզի և ո՛չ ինծի, որ մենչ միշտ կեցած ենք եղեր իրար դէմ անա՛յսպէս, իբրև երկու թշնամի:

Վասիլ Լեկապէն — Ինչպէ՛ս կը համարձակի քու ոտքիդ փոշին:

Թեօճանօ — Դուն չես կրնան ներեր ինծի, որ ես կին եմ ու կը տիրեմ. ես չեմ կրնար ներեր քեզի, որ քեզի դէմ անզօր եմ:

Վասիլ Լեկապէն — (Խոնարհ) Կայսրուհի...

Թեօճանօ — Այս պալատը հարս եկած օրէս ենթարկեր եմ ինծի ամենքը, վարեր եմ ամենքը, ինչպէ՛ս ուզեր եմ, անզօր եմ եղած միայն քու հանդէպ:

Վասիլ Լեկապէն — Ինչպէ՛ս, կայսրուհի: Ինծի պէս չնչին խորհրդակա՛ն մը, հասարակ պալատական մը...

Թեօճանօ — Դուն հասարակ պալատական մը չես. դուն միակ պալատականն ես այս պալատին մէջ. դուն պալատը ինքն ես. քու ուսերուդ են յենած այս պատերը:

Վասիլ Լեկապէն — Շատ մեծ պատիւ կ'ընէ ինծի կայսրուհիս իր շուայլ կարծիքովը:

Թեօճանօ — Ի՞նչ կարիք ձեքձեքուձի. չէ՞ որ մենք իրար հասկըցեր ենք միշտ, միեւնոյն է, խօսիք թէ լռենք: Վասիլ Լեկապէն, մենք ենք այս պալատի հոգին, ես ու դուն, միշտ բաժնւած ու միշտ կապւած իրարու, միշտ թշնամի ու միշտ յենած իրարու: Կապւած ենք, որովհետև կ'ատենք իրար, կ'ատենք, որովհետև պէտք է յենելնք իրարու: Ես գիտեմ, որ դուն հիմա չես յայտնելու

ոչ-ոքին ինչ որ տեսար: Խօսէ, հրն է այն
 փրկանքը, որ դուն կը պահանջես ինծմէ:
 Վասիլ Լեկապէն — Քան, կայսրուհի: Ինչ փրկանք,
 Թէօփանօ — Խօսէ, ինչ է քու պահանջը:
 Վասիլ Լեկապէն — Ըլլալ քու խոնարհ ծառայ, ըլլալ
 արժանի վստահութեանդ, ըղձիդ, ծրագրիդ:
 Թէօփանօ — (Փալտուն) Տեղեակ ըլլալ կ'ուզես. կ'ուզես
 իմանամ ինչ որ կը դառնա, ինչ որ ես կ'ուզեմ:
 Վասիլ Լեկապէն — Եթէ իմ կայսրուհիս արժանի
 համարէ ինծի այդ գերագոյն բաղդին:
 Թէօփանօ — Իսկ հւրիչ:
 Վասիլ Լեկապէն — Ողջութիւնդ, կայսրուհի:
 Թէօփանօ — (Հպարտ) Աղէկ: Կ'ըլլա՞ն ուզածդ. յանկար-
 ծակիի չես գար: Կ'երդնում քեզի... գեղեցկու-
 թեանս վրա: (Դուրս:)

6

Վասիլ Լեկապէն — (Քիչ մը ստեն կը մնա իր խո-
 նարհ դիրքովը, վերջը կամաց-կամաց կը բարձ-
 րանա, կը շտկւի, կը նայի անոր ետեւէն հիւ-
 ցումի ու չարութեան խառն արտայայտու-
 թեամբ ու կը խօսի հետզհետէ աճող դառնու-
 թեամբ) Թող գա, թող գա մս ալ, թող գա աս
 մէկն ալ. և ամեն եկող թող գա ու անցնի քու
 վրայէդ: Ես կ'ուզեմ, որ բոլորը, բոլորը գան ու
 անցնին քու վրայէդ. և բոլոր անոնք որ եկեր
 ու անցեր են քու վրայէդ, կոխեմ ես ոտքերուս
 տակը ու քալեմ անցնիմ իրենց վրայէն: Մինչև
 որ... մինչև որ օր մըն ալ նետեմ քեզի քայե-
 բուս տակը, կոխեմ ու անցնիմ և քու վրայէդ,
 քու այդ գոռոզութեանդ, քու այդ գեղեցկու-
 թեանդ վրայէն. քու... քու... էգ:

Երկրորդ Արար



Ա. ՏԵՍԱՐԱՆ

ՀԱՅՏԵՆՔԻ ԱՎԼԵՆՐԴ ՏՈԳՐԻՍԻ ԱՎՈՒՆՔՆԵՐՈՒՆ ՄՕՏԻԿ
 ՅԱՄ ԱՌԱՍՏԱՂՈՎ ՍԵՆՆՅԱ ՄԸ

Միակ մուսքը նակսեմ է, որ բաց է միտս ու կը
 հանէ պայծառ յուսաւորած սրահը:

1.

Արխոնդ Գուկաս՝ խոժոռ արտայայտութեամբ, նա-
 ղաս ու քարիտոս մարդ մը: Արխոնդ Թոռնիկ՝ ներմը-
 կած, բայց բարձ ու կենսուրախ:
 Արխոնդ Թոռնիկ — Տեղն է, թող այդ Ֆոկասը հոգիդ
 ալ հանէ. քեզի պէս կծծիին այդպէս ալ պէտք է:
 Արխոնդ Գուկաս — Չի՞ մարտեր:
 Արխոնդ Թոռնիկ — (Դուռը ցոյց տալով) Իսկ այս
 մէկը: Տեսնո՞ր դուն կայսր ըլլալու մարդը:
 Արխոնդ Գուկաս — Հա. քէֆը տեղն է:
 Արխոնդ Թոռնիկ — (Շէշ) Ի՞նչ:
 Արխոնդ Գուկաս — (Մատներուն վրա համբերով)
 Ֆոկասները, Գուրգէնները, Սկլերոսները. հան-
 այս երեք տունը չէ. բունք են Անատոլիի լաւա-
 գոյն թեմերը, լաւագոյն հողերը, ամեն պաշտօն
 ամեն դիրք. այսահազին բանակն ալ դրբեր են մէջ-
 տեղը, հեծեր են վրան, ղէ իհարկէ, որ կ'ուզեն
 կայսր դառնան: Ֆոկասը հասաւ իր մուրազին,

ինչպէս քայքայած են ներքուստ մեր շուրջի արար իշխանութիւնները և ինչպէս թևթափ է Մահմետի ոգևորութիւնը: Պէտք է խորտակել արագ, հուժկու զարկով մը այդ փտտած շէնքերը և քշել մահմետականութիւնը դէպի իր անապատը, ուրկէ ան դուրս է եկեր:

Արխանդ Գուկաս — Հա, եթէ կարողանայինք...

Օհան Գուրգէն — Եւ միայն ատ: Հապա բուլկարները, ռուսները և բոլոր միւս բարբարոսները, ատոնց բոլորի մազէն պէտք է բռնել ու քաղաքակրթութեան տակ պէտք է քաշել: Պէտք է վերցնել մէջտեղէն միւս մանր-մունր անկախութիւնները մեր պետութեան սահմաններուն վրայէն ու սահմաններուն ետեէն: Եւ այդ բոլորի աւերակներուն վրա կառուցանել նոր շէնք մը, նոր ու ամուր միաձոյլ պետութիւն մը կովկասի ձիւներէն մինչև հարաւի ծովը, պարսիկ ու արաբիկ անապատներէն մինչև սկիւթ տափերը:

Գնդապետ Աւահրամ — (Յափշտակած) Տար մեզի, հրամանատար, տար մեզի: Մենք քեզի հետ ենք, քու ետեէդ, բոլոր գնդերդ քու սուերիդ պէս քու ետեէդ, տար մեզի:

Օհան Գուրգէն — Պետութիւն մը, որուն կենդրոնը, սիրտն ու գլուխը ըլլա մեր այս երկիրը, մեր այս սիրուն ու հարուստ Անատոլիոն: Պետութիւն մը, որուն ստեղծողը ըլլանք մենք, բարձրացողը ըլլանք մենք. մեր պետութիւնը. մեծ և նոր անատոլիկ պետութիւն մը. նոր Անատոլի մը:

Գնդապետ Աւահրամ — Նոր, նոր Անատոլի մը:

Արխանդ Թուրքի — (Գուրգէնին, կատակով) Իսկ կայսրը. հարցուցէր ես իր կարծիքը:

Գնդապետ Աւահրամ — Կայսրը: Թող ջարդենք իր հաւա-

տարիմ գնդերուն քիթը. անկէ ետքը կը հարցնենք իր կարծիքը:

Արխանդ Թուրքի — (Մնդալով) Ա՛ շուն. քու պոչդ ալ կոխեր է, հա, այդ կապաղովկացի արջը:

Կամ Սկիւրտ — Կսէ, Գուրգէն. այս պետութեան բաղդը արդէն միշտ է եղեր մեր ձեռքը. ինչի՞ կը նմանէր Բիւզանդիան առանց Անատոլիի. ի՞նչ հող, ի՞նչ ուժ, ի՞նչ բանակ: Մենք ենք տէրը, մերը պիտի ըլլա կայսրը. դուն ալ մեր կայսրը:

Գնդապետ Աւահրամ — (Հրճանքով) Ա՛խ, երբ պիտի բարձրացնենք քեզի վահանի վրա, ամբողջ բանակին դիմացը: Կեցցէ մեր կայսրը:

Արխանդ Թուրքի — Կամաց, ա տղա: Այդ տեսակ բաները կընեն, չեն պոռար:

Արխանդ Գուկաս — Ա՛յ, այդ մէկը իրաւ է. լռելով, լռելով:

Թոյաճ Անդոկ — Մեր բանակները արդէն քու ձեռքդ են: Անունիդ հմայքը մեծ է և միւս գնդերուն մէջ. պէտք է միայն քիչ մը աւելի շահագործել առաջիկա արշաւանքը: Մնացածը քու դիտնալիք բանդ է: Հրամանը կուտաս, երբ որ յարմար կը գտնես:

Օհան Գուրգէն — (Կարծես հեզնոտ) Շնորհակալ եմ. լսեցի:

Գնդապետ Աւահրամ — Բայց դուն կարծես վստահ չես և մեզի: Կ'ուզե՞ս երդում ուտենք քու մերկ սուրիդ վրան:

Օհան Գուրգէն — Երդումն ի՞նչ բան է, տղա: Մարդիկը իրար կապողը յափշտակութիւնն է, եթէ մարդիկ սիրտ ունին:

Արխանդ Թուրքի — Այդպէս է, հրամանատար:

Օհան Գուրգէն — Մարդիկը իրար կապողը հաշիւն է,
եթէ մարդիկ խելք ունին:

Արխանդ Գուկաս — Այդպէս է, հրամանատար:

Օհան Գուրգէն — Ես գիտեմ, որ դուք կուզաք ինծի
հետ, եթէ կա մէջս այն բոցը որ կը վառէ, եթէ
կա մէջս այն ուժը, որ կը վարէ: Ես գիտեմ,
որ մենք կապուած ենք իրարու: Ելէք և ամեն
մարդ իր գունդը:

Կոնս Սկլեբոս — Ուրեմն կը հանդըպինք Հալէպի տակ:

Օհան Գուրգէն — Աստուծո՞ւմ:

Իսխան Անդոկ — (Սկլեբոսին) Ես հրամանատարի հետ
Եփրատէն, դուն Տաւրոսէն, կայսրը Ամանոսէն:

Արխանդ Թոռնիկ — (Գուրգէնին) Իսկ հոս դեռ կը մնաս:

Օհան Գուրգէն — Խօսելիք ունիմ իշխանին հետ:

Իսխան Անդոկ — Հրամանատարը այսօր իմ հիւրս է:

3

Կը մնա Օհան Գուրգէն, որ կ'երթեւեկէ սենեակին
մեջ մտածկոս: Շուտով կը վերադառնա եւ քան սեր:

Իսխան Անդոկ Գիտե՛ս, Գուրգէն, քու գծածը սքան-
չելի ծրագիր է:

Օհան Գուրգէն — Իմ նոր Անատոլիս: Հաւենեցա՞ր:

Իսխան Անդոկ — Գլուխ բեր, գլուխ բեր, Գուրգէն,
ստեղծէ այդ մեծ ու հզոր պետութիւնը, այդ նոր
Հռոմը ու դուն կը դառնաս անմահ:

Օհան Գուրգէն — Անմահ:

Իսխան Անդոկ — Այո՛, դարեր ու դարեր, որքան
ատեն որ այս աշխարհքը կա, որքան ատեն որ
պատմութիւնը կա:

Օհան Գուրգէն — Իրա՛ւ, Անդոկ, քեզի այդպէս կը
հետաքրքրեն այդ դարերը, այդ պատմութիւնը,
այդ հեռաւոր աշխարհքը:

Իսխան Անդոկ — Բեզի ո՞չ:

Օհան Գուրգէն — Ինծի համար վաղը չկա: Վաղը
իմս չէ:

Իսխան Անդոկ — Այո՛, նեղ մտքով: Բայց գահը, փառքը,
գործը, ատիկա կա ու կը մնա:

Օհան Գուրգէն — Ո՞վ ըսաւ քեզի. ամեն փառք ու
ամեն գործ ստեղծուած է միայն օրւան մը հա-
մար: Եւ վերջապէս ինծի՞ ինչ՞ մնացեր է թէ ոչ:

Իսխան Անդոկ — Բայց... այն ատեն ալ ո՞ր կը ձգ-
տիս. ինչո՞ւ այդ նոր պետութիւնը, որ ստեղծել
կ'ուզես, որուն վրա ամբողջ բաղդդ ու ամբողջ
կեանքդ կրնաս վտանդեր:

Օհան Գուրգէն — Գուցէ և ճիշտ ատոր համար: Գրաւիչ
են միայն այն խաղերը, որուն վրա մարդ իր
կեանքն ու մահը կը դնէ:

Իսխան Անդոկ — Ուրեմն միայն խաղի՞ համար:

Օհան Գուրգէն — Հապա ի՞նչ կ'ուզէիր: Ըսէ, խնդրեմ,
ի՞նչ հրապոյր, ի՞նչ իմաստ կը մնա կեանքին
մէջ, եթէ հանես մէջտեղէն այդ խաղը, եթէ հա-
նես կեանքին մէջէն կեանքին, բաղդին ու աշ-
խարհին հետ խաղալը: Ըսէ, տեսնեմ, ապրած-տես-
ած մարդ ես դուն, ի՞նչ կը մնա տակը:

4

Գոնեբուրն մեջ կ'երեսա Իսխան Անդոկի աղջիկը՝
Հաննա, քանի շուրջ, նուրբ կազմով, յսակ դիմագծերով,
մեծ ու խոր աչքեր, առաջ հուսմ մը քիկուցիւն: Հագած
է քեւուոր սոյա, սուրն ծալներ կը ծածկեն ոսկերք:
Հրամանատարը կը կտրէ խօսքը, կ'եղնէ ոսկի ու
կը մնա անշարժ, մինչ աղջիկը աչքերը անբարբ անոր
դէմքին յառած հանգիստ կը մօտենա ու կը կենա դէմք:

Հաննա (Չախ ձեռքը կրծքին, աջը վեր ըստ ձրայնե-
լով) Գալղ բարի, զօրավար:

Օհան Գուրգէն -- (Բարեւի նոյն ղիրքով) Բարին արեւ,
օրիորդ: (Վարկեան մը լուռ ու յամառ կը նա-
յին իրար): Ինչքան փոխեր ես այս մէկ
տարւան մէջ. կնգմդ, դէմքդ, արտայայտու-
թիւնդ:

Իսխան Անդոկ — Մեծցեր է, չէ: Ահա, հրամանատար
ինչ որ կը մնա կեանքին տակը, երբ բոլոր փո-
թորիկները կ'անցնին: Ինչի նման պիտի ըլլար
իմ ծերութիւնս, եթէ ուրախութեան այս շողը
տւած չըլլար ինծի Աստուած, իր մօրը թողած
այս միակ արեւ յիշատակը, երիտասարդութեանս
այս վառ ու ոսկի յուշիկը:

Օհան Գուրգէն — Կը տեսնեմ:

Իսխան Անդոկ — Հա, քեզի պիտի զգուշացնեմ՝
աղջիկս նշանաւոր ստրատեկ է. ամբողջ ձմեռը իմ
ու քու կռիւներէդ է պատմել տւեր ինծի: Իմ
հոգիս հանեց, հիմա կարգը քուկինդ: (Աղջկանը)
Ահա հրամանատարս կը յանձնեմ քեզի, հար-
ցնւր ինչքան կ'ուզես: (Գուրգէնին) Չեմ ուշա-
նար, հրամանատար: (Դուրս):

Օհան Գուրգէն — Ա, կրնաս և ուշանար, երբ հոս այս-
պէս ընկեր տւիր ինծի:

5.

Օհան Գուրգէն --- Ըսէ. կ'ուզէի լսեմ առաջին խօսքդ:

Հաննա — Ուրախ եմ, որ նորէն եկար:

Օհան Գուրգէն — Ուրախ եմ և ես, որ նորէն կը տեսնեմ
քեզի, քու այդ խրոխտ ու ազնիւ կերպարանքդ, իմ
այս հայրենի լեռներուս նման, քու բերեղ ու

անբիծ հողիդ, մեր այս սարներու ձիւներուն նման:
Հաննա — Ոչ, զօրավար, մի հեզներ ինծի: Դուն պէտք
չէ, որ ծաղրես ինծի:

Օհան Գուրգէն — Ծաղրեմ:

Հաննա — Ես գիտեմ: Դուն ապրած ես լայն ու թա-
փով. տեսած, վայլած ու տիրած ես կեանքը. քու
ոտքերուդ տակն են ամենէն գեղեցիկները,
ամենէն բարձր դիրք ունեցողները. քեզի կ'երա-
զեն ամենէն շքեղ, ամենէն հմայիչ հողիները:

Օհան Գուրգէն — Ձգէ. մի յիշեցըներ ինծի վարի
աշխարհը, հին, այն ցածի կեանքը: Ես հիմա իմ
ձիւնոս լեռներուս գիրկն եմ, իմ պատանակու-
թեանս թարմ ու մաքուր ոլորտին մէջ, ուր ես
հիւսեր եմ երբեմն ամենէն միամիտ, ամենէն աղ-
ւոր ու ամենէն աւելի վեր խոյացող իմ երազներս:

Հաննա — (Ձերմ) Հոս... այս լեռներուն վրա...

Օհան Գուրգէն — Այո, իմ այս անբիծ, վեհ լեռնե-
րուս, որոնց թախիծը այնքան աւելի յամառ կ'ըն-
կերանա միշտ ինծի, որքան աւելի ցած իջ-
նեմ, որքան աւելի հեռուն: Եւ գիտես, մեր
անցած տարւան հանդիպումէն իվեր, երբ մեզմ
կարօտ մը կը քաշէ ինծի դէպի մեր սարերուն
ճերմակ բարձունքները, այդ կարօտը քու ազնիւ
կերպարանքիդ հետ զուգորդ կը ներկայանա աչ-
քերուս: Չմեռը յաճախ յիշեր եմ ես քեզի:

Հաննա — (Գլուխը կախելով) Գիտեմ:

Օհան Գուրգէն — Գիտես...

Հաննա — Եւ ատոր համար է, որ վստահ էի վերըս-
տին գալուդ:

Օհան Գուրգէն — Ուրեմն կ'ըստասէիր:

Հաննա — Ամբողջ տարին: Իսկ երբ իմացա, որ բա-
նակներդ այս կողմէն պիտի անցնին Եփրատը՝

կ'ըսպասէի ամէն օր: Եւ, ա՛յ, եկա՛ր: Կը տեսնես,
որ այնքան ալ միամիտ չեմ, ինչպէս որ կը կար-
ծես, և քու հոգիիդ մուտքը բոլորովին գոց չէ ինծի:
Օհան Գուրգէն — (Ակրն՝Թարթ մը լուռ եւ յանկարծ
ջերմ շեշտով): Եկա՛ւր, եկուր նստէ: Եւ պատմէ
ինծի՛ ինչ որ կ'ապրիս հոս, ինչ որ կ'ընես. ինչ
որ կը մտածես այս սարերուն մէջ:

Հաննա — Ո՛չ. մի հարցընէր:

Օհան Գուրգէն — Անախոթ է քեզի:

Հաննա — Ընդհակառակը. միայն առ է, որ սիրաս պո-
ռալ կ'ուզէ, քանի եկեր ես, բայց կը վախնամ,
որ բեռ դնեմ խղճիդ վրա:

Օհան Գուրգէն — Բե՛ռ. իմ խղճիս: Դիր, դիր այդ
բեռը, մի վախնար:

Հաննա — (Գլուխը կախելով) Ո՛չ, չըլար...

Օհան Գուրգէն — Սոսէ, օրիորդ. ես կ'ուզեմ, որ ըսես:

Հաննա — Կ'ուզես՝ գիտցիր: (Կ'ելնէ ոտքի) Ես... ես:
ամբողջ ժամանակը մտածեր եմ միայն քեզի.
ապրեր եմ քու ըսած բառերովդ, քու փառքովդ,
քու հպարտութեամբդ. ես ապրեր եմ քեզմով. իմ
ամբողջ հոգիս կ'ապրի միայն քեզմով:

Օհան Գուրգէն — (Ինքն ալ կ'ելնէ ոտքի ու մտածելով):
Դուն դեռ չես ճանչնար կեանքը: Ամբողջ հոգին
կարելի չէ տալ ուրիշին: Եւ կեանքի մէջ, գիտ-
ցիր, ո՛չ-մէկը չարժեք քու այդ նւէրին:

Հաննա — Այն ատեն կեանքը ինչ կ'արժէ ինքը ա-
ռանց այդ նւէրին:

Օհան Գուրգէն — (Շեշտ ու լուռ դիտելէն ետքը) Իսկ
ինծմէ. ինչ կ'ըսպասես հիմա ինծմէ:

Հաննա — Ոչինչ:

Օհան Գուրգէն — Ոսկայն ըսիր՝ կ'ըսպասէիր իմ գալուս:

Հաննա — Քու տեսքդ, ձայնդ, խօսքդ. գուցէ շատ կը

գտնես և ատրկա: Ա՛ռ, առ ալ ետ առ, եթէ հարկ
կ'ըզգաս: Ահա՛ դուռը, ուրկէ ներս մտա ես. կ'ու-
զես քաշուիմ ու ալ չտեսնես երեսս, բնաւ, չլսես
անունս:

Օհան Գուրգէն — (Ժպտուն) Ո՛չ. ֆնացիր ու մի ըս-
պաւնար:

Հաննա — Սպառնամ, քեզի՛:

Օհան Գուրգէն — Թո՛ղ: Ըսէ ինծի՛ ձր ժամանակէն է,
որ ես կ'ապրիմ քու հոգիիդ մէջ:

Հաննա — Այն վարկեանին, երբ աչքերս տեսան քեզի:

Օհան Գուրգէն — Ե՛րբ էր ատ. լա. չեմ յիշեր:

Հաննա Դուն չես գիտեր: Բանակները կը դառնային
վերջին Կիլիկեան արշաւէն ու կայսրը իր յաղ-
թական մուտքը կ'ընէր Կեսարիա: Ես հիւր էի
հոն: Անցաւ կայսրը անազին բազմութեան, բո-
լորի փառաբանութեան ու սաղմոսերգութեան մէ-
ջէն: Հազիւ էր անցեր, որ շուրջն կանանց մէջ
փսփսուք մը ինկաւ. քու անունդ կ'անցնէր շքե-
թունքէ շքեթունք: Հետաքրքիր աչքերս դարձուցի
ու իսկոյն տեսա քեզի: (Ժամը ու երազկոտ)
Ճերմակ ու հպարտ ձիուդ վրա... յոգնած ժպիտ
մը շքեթունքիդ... և ինծի այնպէս թւեցաւ, թէ
դուն կը խղճայիր այդ եռացող բազմութիւնը, որ
իրարու վրա կը մագլցէր իր կայսրը տեսնելու.
ինծի այնպէս թւեցաւ, թէ դուն կը խղճայիր նաև
կայսրը, որ ոսկեհոռ լայն ու երկար հագուստ-
ներուն տակ կորած՝ կեցեր էր անշարժ ոսկի
կառքին վրա իր փառաբանութեանը ունկընդիր:

Օհան Գուրգէն — Օրիորդ...

Հաննա — Բոլոր ձեռքերը յանկարծ բարձրացան դէ-
պի քեզի, թնդաց անունդ հազարաւոր բերաննե-
րէ, կիրն ու աղջիկ իրենց ձեռքի, իրենց կրծքի

ծաղիկները կը նետէին ձիուդ ոտքերուն տակը. ժպիտ ու սէր կ'անձրևէր վրադ, երբ թեթև բարևով մը անցար մեր առջևէն: Այնպէս մոլոր էր նայածքդ ու այնպէս տխուր: Այդ ազմկող բազմութեան ծովուն վրա հեռու, հեռու էր քու հոգիդ, տխուր ու մինակ. միս-մինակ: (Կը լռէ:)

Օհան Գուրգէն — Կեցեր եմ դէմդ, կը լսեմ քեզի, կը նայիմ քեզի ու չեմ հաւտար ոչ ահանջիս, ոչ աչքերուս: Ո՞վ ես դուն, դարմանալի աղջիկ. և ո՞ր-կէ յայտնեցար ինձի:

Հաննա — Ըսէ ինձի, զօրավայր, ինչո՞ւ էիր այն օրը այնպէս տխուր ու մինակ:

Օհան Գուրգէն — Մինակ. ի՞նչ ըսել է մինակ. ո՞վ չէ մինակ. մարդս կ'ըր չէ մինակ:

Հաննա — Այդպէս: Իսկ տխուր:

Օհան Գուրգէն — (Մտածելով) Ուրախութիւն ունի կռիւ երթալը, ուրախութիւն ունի կռիւ տալը, ես չեմ սիրեր կուէ դառնալը:

Հաննա — Բայց այնպէս փառքով ու յաղթական:

Օհան Գուրգէն — Յաղթանակը աղընթաթ մըն է, իսկոյն կը ցնդի ու կ'իյնա աչքէդ հմայքին կապը: Իսկ բաց աչքերը կը տեսնեն միայն մեր խեղճութիւնը: Կը տեսնեն՝ թէ ինչքան ողորմելի ու չնչին բան է եղեր, որուն համար դուն կուեր ես, կը տեսնեն՝ թէ ինչքան գոհիկ ու թշուառ բան է եղեր հենց ինքը կռիւը, որ դուն կուեր ես:

Հաննա — (Մեծ կարեկցութեամբ) Զօրավայր...

Օհան Գուրգէն — Չեմ կրնար մոռնար Պետքար լեռան գագաթը:

Հաննա — Պետքար լեռան քու փառաւոր կռիւդ, դիտեմ. կ'երգեն բերնէ բերան:

Օհան Գուրգէն — Տից ու վիթխարի ապառաժ մըն է

այդ լեռը. մենք կը մազլցէինք ու կը կուէինք: Խելագար ու արիւնալի գրոհ մըն էր. և արարները կը պաշտպանէին առիւծի պէս: Վճռեր էի, որ առնեմ պիտի լեռը մինչև արևի մայր մտնելը: Եւ իրան. ձիւտ այն վայր-կեանին, երբ արևը կը քսէր դիմացի սարերուն ես կեցած էի այդ անառիկ ապառաժին դագաթը: Շուրջս կ'ոռնար զօրքը յաղթանակի արբեցումէն, հեռուներէն կը պատասխանէր ուրախ արձագանգը վայրի կանչերով ու ամենքը հիացումով կը շնորհաւորէին իմ այդ անօրինակ ու յանդուզն յաղթութիւնս... Ես կեցած էի ժայռին գագաթը, ժայռ մըն ալ իմ մէջս ու ոտքերուս տակ այն անթիւ թարմ ու խիզախ քաջերը, թէ իմ, թէ թշնամի, որոնց դիակները փռուեր, գորգ էին հիւսեր ամբողջ սարին վերելքը... Ու կը խորհէի՝ ի՞նչը, ի՞նչը կրնար փոխարինէր այդչափ առոյգ, այդչափ կարմիր կեանքերը... Յանկարծ տեսա, որ շատ վայրագ, շատ խայտառակ, շատ ցած բան էր իմ այդ ամբողջ յաղթանակս: Եւ ի՞նչ պէտք կար, ինչո՞ւ համար, ինչո՞ւ համար...

Հաննա — (Կամայց կը տանի ձեռքը դէմքին, կ'ըսկսի լալ:)

Օհան Գուրգէն — (Տխուր ժպիտով) Կու լսա: Անպէտք է և ատ: Ինչո՞ւ կու լսա:

Հաննա — Չգիտեմ: Այդ ինկածները... և դուն... և ես...

Օհան Գուրգէն — Մեղք է, մի՞ թափեր անգին անդամադներդ քու այդ խոշոր ծով աչքերէդ: Եւ ի՞նչը: Պետքարէն ետքը ես ինչքան-ինչքան իզո՞ւր: Պետքարէն ետքը ես ինչքան-ինչքան կռիւներ եմ վարեր նորէն, ինչքան արշաւ, աւկուրներ եմ վարեր նորէն, ինչքան արշաւ, աւկուրներ եմ վարեր նորէն: Ոչ թէ լալ, խնդալ է եր ու յափշտակութիւն: Ոչ թէ լալ, խնդալ է պէտք այդ ամենուն վրա, և՛ ինկածներուն, և՛ ապրողներուն: Ժպտէ. և նայածքիդ մէջ այդ

շաղին ետևէն սիրուդ ոսկի արևը թող նորէն
շողա. ժպտէ: Այդպէս, իմ լեռներուս չքնաղ ոգին,
այդպէս:

6

Ներսէն կ'երեւա Իշխան Անդոկ:

Օհան Գուրգէն — Նայէ, Անդոկ, ստրատեկ աղջիկդ կու լա:
Իշխան Անդոկ — կու լա:

Օհան Գուրգէն — կու լա, որ մարդիկ կը մորթեն
իրար ու կը խլեն իրար ձեռքէ իրարու ինչքը,
հողն ու առիքը, ճակտին քրտինքը, բաղդն ու
կնիկը...: Լաւ չէ: Հասկըցնուր իրեն որ մարդիկ
եթէ ատիկա չընեն, ուրիշ ի՞նչ կը մնա իրենց ընելու:

Իշխան Անդոկ — Զգէ հանգիստ: Շատ դժւար
մօտենալու բան է աղջկան սիրտը, աղջկան
լացը: Երթանք, սիրելիս. եկուր ու պատէ իմ
աղն ու հացը:



Բ. ՏԵՍԱՐԱՆ

ԲԱՆԱԿԸ. ԿԱՅՍԵՐԱԿԱՆ ՎՐԱՆԻՆ ՏԱԿ.

Պատեր եւ հետզհետե դեպի կենդրոնը քեւոյ առաս-
տաղը դեղին մետաքս է: Գետինը քաւ գորգեր. ձակասք
եպենոսէ գանթ բարձր քիկունքով: Գանին մօտիկ երկար
ուբարակ ոսկերու վրա ոսկի խնկաման մը, որ կը մխա:
Մուսքեր աչքն ու ձախեն:

1

Լայն բաց են մուսքերուն փեշերը եւ վրանը լեցուն
է անագին սպառազեն բազմութեամբ. բոլոր բարձրաս-
տիան գօրականներ են՝ կեցած ուշադիր:

Կայսր — Այս առաջին անգամը չէ անշուշտ, որ մենք

հրաժեշտ կու տանք իրարու սիրիական այս ճամ-
բաներուն վրա մեր յաղթական արշաւներէն ետքը:
Բայց ոչ-մէկ անգամ գուցէ մենք իրաւունք չենք
ունեցեր այսպէս հպարտ ըլլալու ու այսպէս գոհ
ինչպէս այս անգամ: Ահա խորտակած է թշնա-
մին, իր երկիրը աւեր ու աւար, իր բոլոր հարստու-
թիւնը մեր ջորիներու մէջքին: Մնաց միայն
խղճուկ միջնաբերդ մը այն գոռոզ չալէպէն, որը
խնայեցի, որովհետեւ յանձն առաւ հարկ տալու
ու ճանչնալու տիրութիւնս: Կը մնա Անտիոքը
դեռ՝ ապաւինած իր ամրակուռ պարիսպներուն:
Ես պահեմ պիտի անիկա ամբողջ ձմեռը պաշար-
ւած ու սովալըլուկ. ու գալ տարի կու գանք
անալ վերջընելու: Այս տարւան համար այսչափը
բաւ է: Դէ, յաջող ճամբա բոլորիս, բաղդաւոր
դարձ մեր տները և հանգիստ ձմեռ: Բերէք բաժակը:

Կը մտնէ շատ քարմ մանկլաւիկ մը՝ փոքրիկ ոսկի
ափսէի մը մէջ երկու ոսկի բաժակ բռնած եւ կ'երթա
կը կենա կայսեր պատանդանին ոտք:

Չեռունի գօրավար մը — (Առաջ զարով) Տէր, թոյլ կու
տամ, որ անարժան շրթունքներովս համարձակիմ
մեր այս անշատման բաժակը քու պայծառ ա-
րևիդ շատութեանը խմելու:

Կայսր — Խօսէ, սիրելի Բարդանս, կը խնդրեմ բարի
մաղթանքդ:

Չեռունի գօրավար — (Բաժակը վերջընելով) Ո՛վ
դուն առաքելանմանդ, աննւազ ըլլա մեր վրայէն
քու առաքինի անունդ տարիներու հոլովումին
մէջ, որովհետեւ անսահման է քու երախտիքդ մեր
այս ամենաքրիստոնեա կայսրութեան վրա: Տէր,
երկար կեանք քեզի և առողջութիւն:

Քոյսը — (Աջ ձեռքերնին վեր ըարձրացրնելով) Երկար կեանք քեզի ու առողջութիւն:

Երեսասարդ զօրավար մը — (Յանկարծ ու ոգետրած) Քաշեց պատեանէն Նիկեֆոր կայսրը իր անյաղթ սուրը, արև ծագեցաւ մեր սուրբ պետութեան ու քրիստոնեա աշխարհին: Դուն դալուկ մահն ես սարակինոսներուն, ով անմահդ Նիկեֆոր. դուն անմահ ես, Նիկեֆոր:

Քոյսը — Դուն անմահ ես, Նիկեֆոր:

Չեռունի զօրավարը — Շիջաւ Հալէպի աստղը, շիջաւ արարներու աստղը:

Երեսասարդ զօրավարը — Քանի կը փայլի Նիկեֆոր Փոկասի բաղդաւոր աստղը: Փանք քեզի, աստուածայինդ բազիլիս:

Քոյսը — Փանք քեզի, աստուածայինդ բազիլիս:

Կայսրը — Փանք և ձեզի, իմ քաշերս: Ամենքդ ալ աշխատեցաք. շնորհակալ եմ բոլորէդ ու չեմ մոռնար՝ ինչ որ իմ պարտքս է ձեր հանդէպ: Բանակը կընա ցրւիր: Աստուած ձեզի հետ:

Քոյսը — Աստուած քեզի հետ: (Արագ կը քաշին դուրս):

2

Կը գոցւին մուսեբուն փեփեր, վրանք կիսովին կը մքեն: Ներսը կը մնա Մեծ լոկոթեղը ձախի դուանմօս:

Կայսրը — (Յանկարծ կ'իջնէ գահէն ու քայլ մը ընելով դէպի լոկոթեղը) Ծաղր կը թւի ինծի, ծաղր, այն բոլորը ինչ որ կ'ըսեն, այն բոլորը ինչ որ կ'ըսէք. ծաղր, կը հասկընաս, ծաղր...

Մեծ լոկոթեղը — Ինչպէս, տէր:

Կայսրը — Ձեր արտասանած բառերուն տակէն ուրիշ բառեր կը լսեմ ես: Իմ անունիս գովքը կը կար-

42

դա ինծի ձեր բոլորիդ լեզուն, բայց ձեր բոլորիդ լեզւին տակը ուրիշ անուն կը կարդամ ես:

Մեծ լոկոթեղ — Ուրիշ անուն:

Կայսրը — Մի ստեր: Ա՛յ, իր անունը շրթունքներուդ վրա. ա՛յ, իր կերպարանքը աչքերուդ մէջը, կը նայի ինծի աչքերուդ մէջէն: Կընաս ուրանար:

Մեծ լոկոթեղը — Թո՛ղ, տէր, թող որ լեզուս ազատ խօսի առջևդ ինչ որ ծանրացած է հոգիիս վրա: Իրաւ է. շատ բարձրացաւ իր դիրքն ալ, իր հըռչակն ալ բանակներուդ մէջ, բայց դուն ինքդ ըրիր, տէր: Դուն երես ես տւեր անոր արդէն միշտ. իսկ այս վերջին արշաւանքը կարծես յատուկ անոր համար էր ձեռնարկւած: Ինչո՞ւ յանձնեցիր անոր ամենէն աչքի իյնող յարձակումները... Ինչո՞ւ զրկեցիր անիկա կուր ամենէն տաք, ամենէն կարևոր տեղերը...

Կայսրը — (Խոժոռ) Հերիք է: Ձի հարցուցի քեզի քու կարծիքդ:

Մեծ լոկոթեղը — Ներէ, տէր:

Կայսրը — Եղի՛ր ներսը ու սպասէ հրամանիս:

3

Կայսրը — (Երբ կը մնա մինակ, ծանր ու մոայլ կ'երթա ձեռքը կը դնէ գահի բազուկին ու կը կենսկորացած, աչքերը յառած գետինը կէտի մը):

Ջայնը — (Գետնին տակէն) Ինչո՞ւ յանձնեցիր անոր ամենէն ծանր կռիւները, Նիկեֆոր կայսր:

Կայսրը — Ջայնը... իր ձայնը:

Ջայնը — Ինչո՞ւ զրկեցիր ամենէն տաք, ամենէն արիւնոտ կռիւները, Նիկեֆոր կայսր:

Կայսրը — Ի՞նչ կ'ուզես: Կուր ատեն ով կը հարցնէ:

43

Չայեր — Հողէն է, որ կը խօսիմ քեզի, Նեկեֆոր կայր:

Դրկեցիր, որ մեռնի:

Կայր — Ասածու ձեռքն է ամենուս կեանքը: Եթէ մեռնէր՝ Ասածու կամքը:

Չայեր — Ինչի հն պէտք սին խօսքերը, Նեկեֆոր կայր. հողէն է, որ կը խօսիմ քեզի:

Կայր — Սուրբ է այն հողը, ուր դուն կը հանգչիս: Ըսիր, որ ձեռք չտամ իր կեանքին: Ահա կ'ապրի. ու սպրդիլ կ'ուզէ իմ ու բանակիս մէջտեղը, սպրդիլ կ'ուզէ իմ ու յաղթանակներուս մէջտեղը...: Իմ դէմս է ան, որ կողմ ալ դառնամ, ինչ ալ որ ընեմ. ամէն տեղ. իր անունը իմ անունիս ետեւն, իր քայլերը իմ քայլերուս ետեւն, իմ շար դեիս պէս, սև ստերիս պէս: (Կտրուկ) Թող ըլլա հող, թող ըլլա առողջ, քանի որ այդպէս կ'ուզես. բայց մնացածը դուն չարգիլեցիր ինծի... և պէտք չէ, որ արգիլես... (Քիչ մը ատեն լուռ է ու կ'ըստատէ) Լռեց: Հեռացաւ: Հանգստացաւ... (Կերթա դէպի խնկամանը, կը շորի, կը խոնարհի) Ամէն տարի եօթը պատարագ քու հողիդ վրա. տաճարիդ մէջ միշտ վառ կանթեղ մը հողիդ լոյսին. աղօթքներուս մէջ միշտ անպակաս քու սուրբ անունդ. թող հաշտ ըլլա հողիդ...

Կամաց կը բարձրացնէ գլուխը, կ'ելնէ ոտի ու կը դառնա դեպի աջ. կը մտնէ Օհան Գուրգէն: Երկուքն ալ կու գան բայ մը իրար դեմ, կը կենան լուռ ու շիտակ:

Օհան Գուրգէն — Ինծի կանչեր է կայրը:

Կայր — (Չարնելով բոռնցքը գահի ըստուկին) Ըսէ տեսնեմ, ո՞վ է վերջապէս տէրը այստեղ. ես թէ դռն:

Օհան Գուրգէն — Ի՞նչն է քեզի զայրացուցեր:

Կայր — Ի՞նչ խլրտում է, ի՞նչ մութ շարժում Սկլերոսի գնդերուն մէջ:

Օհան Գուրգէն — Ատ ո՞վ ըսաւ քեզի:

Կայր — Դուն պատասխան տուր ինծի, ո՞չ թէ հարցում:

Օհան Գուրգէն — Ո՛չ մէկ խլրտում և ո՞չ մէկ շարժում: Գիտես, որ Սկլերոսը շատ ունի թշնամի:

Կայր — Եւ բարեկամ, ինչպէս կ'երևա:

Օհան Գուրգէն — Այո, կայր, որոնցմէ մէկը ես եմ և միւրը, շատ կ'ուզէի, որ ըլլայիր դուն: Բայց որ տարտամ ու դժգոհ տրամադրութիւն մը կա սպաներու մէկ մասին մէջ, ատիկա ճիշտ է, և ո՞չ միայն Սկլերոսի գնդերուն:

Կայր — Մի՞թէ...: Քիչ մը ուշացած չե՞ս գտներ սակայն քու յայտնութիւնդ:

Օհան Գուրգէն — Ընդհակառակը, քիչ մը կանուխ, որովհետեւ ապարդիւն է հիմա ատոր մասին խօսիլը: Կը խօսինք վերջը, երբ բանակները ցրւած կ'ըլլան ու կրնանք խորհիր աւելի ազատ ու անկիրք, ապագայի համար:

Կայր — (Խիստ) Թող պարապ խօսքերը ու պատասխանէ. ի՞նչ տրամադրութիւն է ատիկա:

Օհան Գուրգէն — Դժգոհ են, որ կը վերագառնանք առանց Հալէպը լրիւ տիրելու, առանց Անտիոքը նւաճելու, այսպէս ամեն ինչ անկայուն ու թերի:

Կայր — Անկայուն:

Օհան Գուրգէն — Մեր տղա հասակէն միշտ նոյնն ենք տեսեր. ամեն ամառ կամ արաբները մեր սահմանէն ներս, կամ մենք անոնց սահմանէն: Քանի մը չենք տեսներ, պատառ մը հող, քիչիկ մը աւար ու ձմեռուտ, ան հետ ամեն մարդ իր տունը: Ի՞նչ զարմանք, որ շատերը արդէն կուշտ են կուլի այս ձևէն:

Կայսրը — Պատառ մը հող ամբողջ կ'ըլլիկիան, ամբողջ հիւսիսային Սիրիան, ամբողջ Կրետէն, որ ես խլեր եմ արաբներուն ճանկէն, պատառ մը հող. ու իմ տասը տարւան աշխատանքս «քանի մը գերի», «կտոր մը աւար»:

Օհան Գուրգէն — Եթէ համեմատենք գալիքին հետ: Չէ որ այդ բոլորը առաջին քայլերն են միայն այն մեծ գործին, որը ըլլալու է իսկապէս մեծ ու հիմնական և որուն ծայրը կը հասնի մինչև Բաղդատ, մինչև Բասրա, մինչև Մսըր:

Կայսրը — Բազդատ... Մսըր...

Օհան Գուրգէն — Ինչո՞ւ ոչ: Մեծ կայսրէ մը մեծ պահանջ: Եւ ատիկա կ'ըզգան բանակիդ ընտիրները, կ'ըզգան ու ծարաւ են այդ լայն ու խիզախ շարժումին, կ'ըզգան ու դարձեր են անհամբեր. ահա՛ բոլորը:

Կայսրը — (Կրկնակի խնդալ բարձր ու բռնազօսիկ):

Օհան Գուրգէն — Կայսրը կը խնդա:

Կայսրը — (Յանկարծ կը կտրէ ծիծաղը) Միթէ խընդացի. չեմ յիշեր: Ո՛չ, չեմ խնդար, այլ կը ցաւիմ, շատ կը ցաւիմ, որ... որ այսպէս պզտիկ կայսր մըն եմ ես, հասարակ ու միջակ. պզտիկ կայսր մը, պզտիկ ծրագիրներ, պզտիկ արշաւներ...: Մինչդեռ անոնք, այդ իմ բանակիս ամենէն ընտիր ընտիրները, այդ իմ բանակիս ամենէն տխմար մեծամիտները...

Օհան Գուրգէն — Կայսրը իզուր կը բարկանա. իսկ բարկութիւնը անիրաւ է միշտ: Անոնք հին, փորձաւոր մարդիկ են վաստակաւոր:

Կայսրը — Գիտեմ. այդ ծառին վրա է, որ կը բուսնի քու ու անոնց բոլոր յանդգնութիւնը:

Օհան Գուրգէն — Կայսր...

Կայսրը — Ի հարկէ. չէ որ չեմ համարձակիր, այ, օ՛

րինակ, քեզի պէս նշանաւոր զօրավարի մը ձեռք դպցընելու: Չէ որ բանակներու սիրելին ես դուն, Սկիւրոսներու նեցուկը և այդ բոլոր դաւաճան խլրտումներու հողին:

Օհան Գուրգէն — Կայսր...

Կայսրը — Ո՛չ, ո՛չ, սխալ է սակայն հաշիւդ: Ես կը կտրեմ այդ ծառը, կը կտրեմ արմատէն: Լաւ լսէ: Դուն նշանաւոր զօրավար մըն ես, այն, որովհետեւ ես եմ կեցած քու կոնակդ. դուն անգանդաւոր կազմակերպող մըն ես, այն, որովհետեւ իմ հրամաններս կը կատարես. դուն յաղթեցիր ես ու կը յաղթես կաւի դաշտին վրա, այն, որովհետեւ իմ մատս կը ղեկավարէ քու շարժումներդ: Այս մէկը ազէկ հասկըցիր. դուն մեծ ես ու անւանի, որովհետեւ այդպէս եմ կամեցեր ես. կը կամենամ ու դուն կը դառնաս ոչինչ մը: Կը հասկընամ, ոչինչ մը. ոչինչ:

Օհան Գուրգէն — (Բիշ մըրը) Շնորհակալ եմ: Իսկ ի՞նչ է հիմա քու միտքդ:

Կայսրը — Իսկ ի՞նչ է հիմա քու միտքդ, քու: Կը կարծես չեմ տեսներ, հա՛, կը կարծես չեմ հասկընար, թէ ուր կը ծոես դուն նաւիդ ղեկը: (Մատնանիշ ընելով զահը) Ահա, հրամէ, ելիր, ու գնա տիրէ Սիրիան ու Բասրան, գնա տիրէ աշխարհքը, ամբողջ աշխարհքը...: Ահա կը թողնեմ քեզի քու գահիդ հետ առանձին. առանձին քու մեծ-մեծ խոհերուդ հետ, քու հսկա ծրագիրներուդ... (Կոպիտ ծիծաղով կ'ելնէ ծախէն դուրս):

Օհան Գուրգէն կ'եցած է վարկեան մը խոժոռ ու լարւած. յանկարծ քափ կու տա ինքզինքը ու արագ կը

Երրորդ Արար

Ա. ՏԵՍԱՐԱՆ

ՊԱՒԱՏԸ. ԾՈՎԱՀԱՅԵԱՅ ՊԱՏԵՂԱՍ

Տեսարանի առջեւի մասը առաստաղ ունի եւ ֆանի մը սիւնեով կը բաժնուի ետեւի մասէն, որ բաց է բոլորովին եւ խորքը կը եզերուի ասամաւոր ցած որով: Յասակը, առաստաղը, սիւները, որմը՝ բոլորը մարմար: Աջ կողմը քարէ նստարան մը, վրան գորգ, ու մօտը բարակ ու բարձր ոսկեով եռոսանի մը նրագ դնելու համար: Հետուն կ'երեւա ծովը: Իրիկեան լոյսի ու մուրի կոխն է:

1.

Վասիլ Լեկապէն եւ ուրիշ ներքինի պալատական մը կեցած են կից իրարու ու կը խօսին զգուշ:

Վասիլ Լեկապէն — Մըս: Ամեն բան չեն ըսեր, ամենուն չեն ըսեր, մանաւանդ ժամանակէն առաջ:

Միւս ներքինի — Դուն արդէն միշտ իրաւունք ունիս:

Վասիլ Լեկապէն Անոնք ի՞նչ կը հասկընան քու ըսածիդ խորութիւնը:

Միւս ներքինի — Բայց մենք կը հասկընանք, մենք, որ ներքինի ենք:

Վասիլ Լեկապէն — Իսկ անոնք ներքինի չեն. դեռ չեն հասած այդ բարձրութեանը, այդ իսկական բարձր մարդուն: Անոնք դեռ մարդ չեն, այլ արու են միայն: Դեռ չեն ըմբռնած, որ մարդ ըլլալու համար՝ նախ պէտք է դադրին արու ըլլալէ: Անոնք իրենց ուժերուն լաւագոյն մասը կ'ըստառեն սերնդելու վրա. մնացածն ալ կը վատնեն իրենց սերունդին

վրա: Էգի՛ն ստրուկն են անոնք ու իրեց զաւակներուն ճորտը: Անոնք անպէտք են տիրելու համար, անպէտք են աշխարհքը դարձընելու համար: Տիրելը մերն է, մեր կոչումը, մեր իրաւունքը, ներքինիներն իրաւունքը: Մենք պիտի վարենք, պալատը մերը պիտի ըլլա եւ բոլոր պաշտօնները մեր ձեռքը:

Միւս ներքինի — Բոլոր, բոլոր պաշտօնները:

Վասիլ Լեկապէն — Գահը իրենց, կարմիր կօշիկներն ալ իրենց, բայց զահակալը պէտքէ ըլլա բունցքիս մէջ եւ կայսրութեան բոլոր թելերը: Հիմա կը հասկընաս՝ ինչ՞ի կ'ատեմ ես այդ մարդը: Ուրիշ երկու կայսեր օրով ես նորէն հոս եմ եղած, ու եղած եմ իսկական տէրը. այս մեկը շատ է պինդ:

Միւս ներքինի — Իսկ Ապամընսը. կարելի չէ՞ վրան յենիլ: **Վասիլ Լեկապէն** — Քամաւած արու մը. զեփեւունքը որ փչեն իրենց հետը կը տանին:

Միւս ներքինի — Ուրեմն պետք է ուրիշ անուն մը:

Վասիլ Լեկապէն Համբերութիւն: Ժամանակը յղի է: Վերին խաւերը տփոհ, ժողովուրդը կը մուտա, հարկերը կ'աւելնան, աչքի իյնող մարդիկը կը տապալին, բանակներուն մէջ խլրտում, պալատին անկիւնները փսփսուք...: Ես կը ճանչնամ այդ հիւանդութիւնը. կը վերջանա կարմիր կօշիկներու ոտափոխումով: (Նորհրդատր) Կան աշխատողներ. դուն հանգիստ եղիր:

Միւս ներքինի — Ուրեմն պատրաստ ըլլանք նոր փեսայի գալուստին:

Վասիլ Լեկապէն — Եւ լապտերիդ իւզը լի՛:

Միւս ներքինի Իմաստուն կոյսերուն նման:

Վասիլ Լեկապէն — Եւ լիւն.

Միւս ներքինի — Ի՛նքը, ի՛նքը... (Արագ դուրս:)

Քիչ մը ետքը կ'երեւա կայսրը խորքը, ազնի: Մանր
 քայլերով կ'առաջանա՝ ձեռքը որմին ու հայեացքը ծովուն:
 Դանձաղ կը դառնա ետին ու կը նկատէ Վասիլը:

Կայսրը — (Մօտենալով) Ի՞նչ կ'ընես հոտ:

Վասիլ Լեկապէն — Կը մասածէիր, չուզեցիր խանգարեմ:

Կայսրը — Եւ գիտե՞ս ինչ կը մտածէի: Չարմանք է:
 Ինձի այնպէս կը թւի որ վերջին անգամ Պօլսէն
 մեկնելէս ի վեր՝ կարծես պալատը մեծցեր է, մեծ-
 ցեր ու պարպուեր: Աւելի դատարկ, աւելի լայն,
 աւելի լուռ, թէև գիտեմ, որ մարդիկը նոյնն են,
 ինչպէս և կեանքն ու երթևեկը: Ուրկէ՞ կու գա
 ինձի այս տարօրինակ դժգոհմը:

Վասիլ Լեկապէն — Ինչքան դուն կը բարձանաս, տէր,
 ու ինչքան հոգիիդ մեծութիւնը կ'աճի, այնքան
 շուրջդ եղող մարդիկը կը դառնան մանր ու փոք-
 րիկ, և այլ ևս չեն լեցըներ պալատներուդ ըն-
 դարձակութիւնը:

Կայսրը — Եթէ ըսածդ շիտակ ըլլար՝ իմ սրահներս
 նեղ պիտի գային իմ մեծութեանս, ոչ թէ լայն:
 Չէ, Վասիլ, պալատականի քու փորձած հաճո-
 յախօսութիւնդ այս անգամ ծակ ունի իր վրան:

Վասիլ Լեկապէն — Ըսած խօսքս գուցէ ծակ ունէր
 իր վրան, տէր, բայց քեզի ուրախ տեսնելու ցան-
 կութիւնս ծակ չունի իր վրան:

Կայսրը — Չէ, ատոր ալ չեմ հաւտար:

Վասիլ Լեկապէն — Տէր, ինչո՞վ եղա արժանի:

Կայսրը — Մի հաւտար ոչ-մէկուն: Քեզի կ'ըսեմ՝ մի
 հաւտար ոչ-մէկուն:

Վասիլ Լեկապէն — Մանր խաչ է, Տէր. մի առնիր ուսիդ:

Կայսրը — (Ժպտողով) Հապա՛: Կ'ուզես, որ հաւտամ և
 որո՞ւ. օրինակ, քեզի՞...

Վասիլ Լեկապէն (Միտ Վիրաւորած) Տէր...

Կայսրը — Լա՛ւ: Կ'ուզես փորձենք: Արդէն կ'ուզէի խօ-
 սիմ քեզի հետ:

Վասիլ Լեկապէն — Հրամայէ, տէր:

Կայսրը — Եկու՛ր, մօտ եկու՛ր. աւելի, աւելի. այդպէս: Եւ
 հիմապատմէ ինչոր գիտես... բոլորը ինչ որ գիտես:

Վասիլ Լեկապէն — Ինչի՞ մասին, տէր:

Կայսրը — Օհան Դուրգէնի... և քու կայսրունիդ:

Վասիլ Լեկապէն — (Սարսափած) Կայսրունի՞ն...

Կայսրը — Այդ ի՞նչ շատ զարմացար. դուն, որ զար-
 մանալու սովոր չես բնաւ. գէշ նշան է, Վասիլ:

Վասիլ Լեկապէն — Բայց կայսրունի՞ն... Ո՞վ է ըսեր
 քեզի ատիկա, ո՞վ է լսեր, ո՞վ է տեսեր:

Կայսրը — Ե՛ս, ինքս:

Վասիլ Լեկապէն — Դ՞ուն: Դուն տեսեր ես...

Կայսրը — Այո, տեսա՛: Տեսա՛ ան Վայրկեանին, երբ
 գեցած էր գահիս ոտքը, երբ թողի ինքը առան-
 ձին գահիս ոտքը ու հեռացաւ. տեսա՛ իր կեցւած-
 քին մէջ, իր նայւածքին մէջ, իր խօսւածքին մէջ:
 Տեսա՛, որ ունէր ամուր յենարան մը. կարող նե-
 ցուկ մը ունէր. և իր ձայնին մէջ ծաղր կար
 ու յաղթանակ: Եթէ շիտակը կ'ուզես՝ ես դեռ կա-
 նուխէն, շատ կանուխէն գիտէի ատիկա, կ'ըզ-
 գայի անոնց այդ կապը հոգիիս խորերէն. գիտէի
 որ գալու էր ատիկա օր մը. գիտէի ու կ'ըստասէի:

Վասիլ Լեկապէն — Տէր, ես ամեն բան կ'ըստասեմ այդ
 յանդուզն մեծամիտ մարդէն. բայց ինձի կը թւի,
 որ անիրաւ ես թագունիս գէմ:

Կայսրը — Իո՞վ եթէ քեզի ըսեմ, որ այդ մարդը եղած
 է կանանոցս:

Վասիլ Լեկապէն — Ատիկա՞ ալ դուն ես տեսեր, ինքդ:

Կայսրը — Ո՛չ. տեսեր են ուրիշները:

Վասիլ Լեկապէն — Ուրիշները...

Կայսրը — Այսինքն տեսնելը ճիշտ խօսքը չէ: Երբ արշաւէն վերադարձիս սկսա քրքրել, դուրս եկաւ, որ կան կասկածներ, հետքեր...

Վասիլ Լեկապէն — Ի՞նչ ըսեմ, տէր: Կին ըսածդ ինքնին անօթ մըն է խարդաւանքի ու երկպառակութեան: Բայց որու մասին, որ կը խօսիս այս պետութեան տիրուհին է և քու կեանքիդ ընկերուհին: Ես իր մասին գէշ մտածել չեմ կրնար:

Կայսրը — Ախ, դուն, ոգնի, մտար արգէն փշոտ պատեանիդ տակը. ալ քեզի բռնել իհարկէ չըլլար: Եւ կ'ըսէիր որ օգնել կ'ուզես ինծի...

Վասիլ Լեկապէն — Տէր, ինչո՞ւ կը մեղադրես ինծի: Մի՞թէ ինքդ կը հաւտաս քու ըսածիդ, կրնամ հաւտար:

Կայսրը — (Կոտրւած) Ո՛չ չեմ կրնար. կը խորտակի բաղդս, հպարտութիւնս, յաջողանքս. ինչպէս հաւտամ: Բայց ինչո՞ւ, ինչո՞ւ մտաւ մէջս այս գարշելի կասկածը այն վայրկեանին, երբ թողի անիկա անպաշտպան գահիս ոտքը, երբ ալ ինկած մըն էր, կործանւած մը, վռնուած մը...: Ինչո՞ւ էր ան այդպէս ուժեղ, ուրկէ՞ կու գար իր հեզանքը, ինչի՞ վրա է իր հաւատքը. չէ՞ որ իմ ձեռքս է իր կեանքը:

Վասիլ Լեկապէն — Տէր, կը տեսնեմ՝ դուն աքսորերես հեռու իր մարմինը, պահերես մօտդ իր հոգին:

Կայսրը — (Մոայլ կը կախէ գլուխը)

Վասիլ Լեկապէն — Արժանի չէ այդ պատւին: Մի՞ հաւտար, արհամարէ. աքսորէ մէջէդ և իր հոգին:

Կայսրը — Գուցէ և իրաւ ես...

3.

Կեցած են լուռ իրարու դեմ, երբ խորհէն կ'երեւա

բազուհին ու վեհափառ կ'առաջանա դէպի գոյգր: Վասիլ կը խոնարհի:

Թէօֆանօ — (Կենսալով սիւներուն մէջ) Գուցէ խանգարեցի. կը խօսէիք:

Կայսրը — Ո՛չ: Եկուր: Ուրախ եմ, որ եկար:

Թէօֆանօ — Դէմքէդ չերևար: Ինչո՞ւ ես այդպէս դժկամ: Ի՞նչ կը խօսէիք:

Կայսրը — Հարցուր Վասիլին:

Թէօֆանօ — (Հարցաւան կրդառնա անոր):

Վասիլ Լեկապէն — Կասկածի վայրկեանները, կայսրուհի, յատուկ է բոլոր մեծ հոգիներուն:

Թէօֆանօ — Կասկածի: Ինչի՞ կասկած.

Վասիլ Լեկապէն Ըհը՛... ընդհանրապէս: Իր մեծութեան, իր կոչումին, յաջողանքին ու բաղդին:

Թէօֆանօ — (Ամուսնուն) Դուն: Կասկած ունիս և քու բաղդէ՞դ:

Կայսրը — Կարելի չէ:

Թէօֆանօ — Չէ՞ որ ես եմ քու բաղդդ. դուն ինքդ ինծի այդպէս ես ըսեր:

Կայսրը — Ըսեր եմ. այո՛:

Թէօֆանօ — Ուրեմն ալ ի՞նչ երկմտում, երբ ես հասեմ, քու քովդ, քեզի հետ, քու կի՛նդ:

Կայսրը — (Ցաւած) Չէ, Թէօֆանօ, դուն հոս ես, իմ քովս, ինծի հետ, իմ կի՛նս...

Թէօֆանօ — (Վասիլին) Ձգէ մեզի առանձին,

4.

Թեօֆանօ — (Կը մօտենա ամուսնուն) Ի՞նչ ունիս Նիկեֆոր: Երևի մանր անյաշող լուրեր, ամեն բան սրտի չեն առներ: Նայէ աչքերուս խորքը, նայէ քու բաղդիդ աչքերուն խորքը ու եղի՛ր վստահ. յաջողութիւնը քեզի հետ է միշտ: Շուտով կ'երթաս ազատելու սուրբ գերեզմանը:

Կայսրը — (Բռնելով անոր թեւէն ու ջերմ) Այո, Թէօֆանօ, պիտի ազատեմ Փրկչի գերեզմանը: Իրաւես, բաղըն ու յաջողութիւնը ինձի հետ է միշտ: Այս աչքերը ինձի խաբել չեն կրնար, այս խօսւածքը ինձի խաբել չի կրնար: Եկ՛ուր, եկ՛ուր նստի՛նք: (Կ'երթան նստարանը): Ի՞նչ լաւ է, որ եկար, Թէօֆանօ, ինչքան ուրախ եմ, որ եկար:

Թէօֆանօ — Աւելի աղէկ: Հիմա աւելի դիւրին է ինձի նպատակիս հասնիլը: Դուն որ այդպէս ուրախ ես, եկ՛ուր ուրախացնենք և ուրիշները:

Կայսրը — (Չլարթ) Ի՞նչ է ուզածդ:

Թէօֆանօ — Դիտե՛ս, Նիկեֆոս, ես հիմա քեզի խնդիրը եմ եկեր:

Կայսրը — (Բարեհաճ) Խօսէ:

Թէօֆանօ — Բայց չի պիտի մերժես:

Կայսրը — Ես քեզի երբ եմ մերժեր: Խօսէ...

Թէօֆանօ — Ե՛տ կանչէ աքսորէն Օհան Գուրգէնը:

Կայսրը — (Խայթածի պէս) Ի՞նչ... ո՞վ... ո՞վ...

Թէօֆանօ — Դուն խոստացար, որ չես մերժելու:

Կայսրը — Դուն կը խնդրես ինձմէ, որ ես... որ ես... (Յանկարծ կը նետի դէպի սիւները՝ պրոտարով) Է՛յ, ո՞վ կա հոտ, ո՞վ կա հոտ:

Թէօֆանօ — Ի՞նչ կ'ուզես. ինչո՞ւ կը կանչես:

Կայսրը — (Ներս մտնող սենեկապետին) Լոյս, լոյս կ'ուզեմ, լոյս: (Կնոջը) Լաւ կ'ուզեմ տեսնեմ քու դէմքդ, քու այդ Տիրամօր սիրուն դէմքդ. իսկ հոս արդէն մոլոր է գրեթէ, մոլոր, կը հասկընամ: Չէ՞ որ մոլոր ինձի ու քեզի համար չէ ստեղծւած. մոլոր յանցանքի համար է ստեղծւած, մեղքի ու դաւի...: (Կ'ըշտապէ կրկին ներս եկող սենեկապետին դէմը, կը խլէ ձեռքէն եռաստեղ աշտանակը, ինքը կը դնէ եռոտանիին վրա ու

կը նստի իր նախորդ տեղը) Ա՛յ, այսպէս: Դէ, հիմա խօսէ: Խօսէ, տեսնեմ, ի՞նչ կ'ըսես:

Թէօֆանօ — Ինչո՞ւ ես այդպէս տարօրինակ: (Կատակով) Բայց միևնոյն է. գիտցիր, մինչև որ քու համաձայնութիւնդ չառնեմ, ես հոսկէ հեռացողը չեմ: Հէնց այդպէս ալ խոստացեր եմ աղջկանը:

Կայսրը — Չգիտեմ՝ ե՛ս եմ յիմարացեր, թէ՞ դուն այսօր սաստիկ յիմար կը խօսիս:

Թէօֆանօ — Օրիորդներու մէջ, գիտե՛ս, չէ՞, Կազիան:

Կայսրը — Ո՞վ. ի՞նչ Կազիա:

Թէօֆանօ — Բարդասի քոյրը:

Կայսրը — Է՛, ետքը՞:

Թէօֆանօ — Ետքը արդէն ըսի: Դուն պատժեր ես քու դօրավարդ, քու գործդ է. բայց դուն իրաւունք չունիս իմ օրիորդս ալ պատժելու: Չգիմանար խեղճը. իրաւ կ'ըսեմ՝ կը մեռնի:

Կայսրը — Պարզ խօսէ, կ'ի՛ն:

Թէօֆանօ — Ասկէ պարզը ինչպէ՞ս կ'ըլլա: Կը սիրէ: Ես այր չեմ, կը ներես, միայն քաղաքականութեամբ կը տանալ չեմ կրնար. չեմ կրնար տեսնել խեղճ աղջկան յուսահատ վիշտը: Թէև ինձի կը թւի, որ հոտ քաղաքականութիւնն ալ կը շահի: Հրամանատարութիւնը, որ առեր ես Գուրգէնին ձեռքէն, շիտակը ես ալ շատ խելացի կը գտնեմ. բայց միթէ աւելի աղէկ չէր ըլլար, եթէ իրեն հոս որևէ տակը պարապ պաշտօն մը տայիր: Անվստահելի մարդը հոս աւելի դիւրին է հսկելը, քան հոն իր կալւածներուն վրա, կայսրութեան միւս ծայրը: Եւ վերջապէս ես Կազիան կը ճանչնամ. ան շատ շուտով ձեռքը կ'առնէ իր մարդուն սանձերը և քու ըմբոստ Գուրգէնդ, պիտի տեսնես, որ կը խելօքնա:

Կայսր — (Մտածկոտ) Բարդասի քոյրը... կ'ըսես:
Եւ անոնք եղած են իրար հետ կանանոցիս մէջ: հա:

Թէօփանօ — Չեմ կարծեր: Կազիան լաւ դիտէ պա-
լատիս խիստ կարգերը: Սակայն ինչո՞ւ հարցուցիր:

Կայսր — Որովհետեւ... որովհետեւ ատիկա կը պարզէ
խնդիրը: Որովհետեւ... Բարդասի քոյրը... գուցէ,
կարելի է...: Ուրեմն Բարդասի քոյրը:

Թէօփանօ — Չէ, մեղք է, չէ, դժբաղդ աղջիկը: Ըսէ
բառ մը ու երջանկացուր: (Ոտքի ելնելով) Ու-
րեմն յայտնեմ իրեն, որ նշանածը շուտով դառնա
պիտի:

Կայսր — (Յանկարծ կը փոխի, կը դառնա դաժան
ու պինդ բռնելով կնոջը թուէն) Կեցիր, կեցիր:
շատ կ'ըշտապես. կեցիր: Իսկ եթէ այս բոլորը
կոպիտ դակարդ մըն է միայն... ծաղիկներով ու
առոյտով ծածկւած, էշեր բռնելու հ' մար:

Թէօփանօ — Ի՞նչ:

Կայսր — (Հետզհետէ զոգուելով) Այդպէս ուրեմն...
կը խնդրես, որ ետ կանչեմ Գուրգէնը... երջան-
կացընեմ: Եկեր ես հոս յատուկ խնդրելու... ե-
կեր ես, որ երջանկացընեմ... (Վայրի ու հիւսնող
ծիծաղով մը կնոջ թելը կը նետէ անդին):

Թէօփանօ — Ի՞նչ եղաւ քեզի: Ինչո՞ւ համար է այդ
տգեղ ծիծաղը,

Կայսր — Իհարկէ, ես տգեղ, ծիծաղս տգեղ, ամեն
ինչս տգեղ: Գեղեցիկ ես միայն դուն ու քու
լրբութիւնդ: Յանդուզն է, կին, խաղցած խաղդ
ու հրեշային. արդէն լկտութիւնը յանդուզն է
միշտ: Ինչո՞ւ այդպէս ապուշ-ապուշ երեսս կը
նայիս: Չէիր սպասեր, հա, այս ելքին: Կարծեցիր,
որ կանչեմ պիտի աղջիկը, հարցընեմ. ան ալ
պիտի խաղա իր վարպետէն սորված դերը, իյնա

ոտքերս, լա ու պաղատի. ես ալ մեղքնամ ու
դիջեմ: Դուն կարծեցիր, որ այս անգամ ալ կը
յիմարացընես ինծի քու անուշ երգերովդ, ա,
դուն, Միրենա, կը յիմարացընես, կանչել կու
տաս սիրեկանդ աքսորէն, գիշերները ծածուկ
կ'առնես կանանոցս ու միասին կը նստիք ու կը
խնդաք վրաս: Չէ, այդպէս չէ, խոստվանէ:

Թէօփանօ — (Անոր խօսելու միջոցին հետզհետէ կ'ուղղի
ամբողջ հասակովը ու մարմարէ սինին առջեւը
կ'արծանանա շիպ-շիտակ, հպարտ ու նանգիստ):

Կայսր — Ի՞նչ ես պապանձեր. չխօսիս. ինչո՞ւ ես
քար կտրեր այդ քարին տակը: Ըսէ, խօսէ, եթէ
դեռ երես ունիս խօսելու, եթէ դեռ կրնաս քեզի
պաշտպաներ, եթէ այդ անամօթ շրթունքիդ ար-
դարանքի խօսք մը ունիս...

Թէօփանօ — (Առանց ոչինչ ըսելու կամաց մը կը
զատի սինէն ու նոյն հպարտ, շիտակ դիրքովը
կը դիմէ դէպի դուրս):

Կայսր — Ո՞ւր, ո՞ւր. ո՞չ. կեցիր: (Կուգէ բռնէ):

Թէօփանօ — (Սարսափելի բարկութեամբ) Քաշէ ձեռքդ
ետ. չի դալիս ինծի: Ողորմելի... (Եւ դէպի դուրս):

Կայսր — Կեցիր. մի երթար՝ կ'ըսեմ քեզի:

Թէօփանօ — Դեռ չսպառեցիր լուտանքդ:

Կայսր — Կեցիր: (Կոտրւած) Նախ լսէ... (Կ'ընդհատէ):

Թէօփանօ — (Կը մնա անշարժ, կիսովին ետ դարձած):

Կայսր — Քեզի ծանր վիրաւորեցիր. ճիշտ է. գուցէ...
իզուր: Բայց ես. հապա ես: Այս ամբողջ երեք
ամիս է, որ խրւեր է հոգիս այդ սարսափելի
բանը. առաջ հունդ մըն էր, հիմա մեծցաւ,
ուռճացաւ ու լեցուց հոգիս. ուր կ'երթամ ինծի
հետ է, ինչ կ'ընեմ ինծի հետ է, աշխատեցաւ, որ
խեղդեմ, փրցընեմ. կերաւ հոգիս այդ վէրքը:

Թէօճանօ — (Մուլ) Երեք ամիս...

Կայսր — (Գլխով կ'ընէ):

Թէօճանօ — Երեք ամիս դուն կասկածով կը նայիս վրաս, երեք ամիս կը պրպտես բոլոր խօսքերս, կը հետևիս ամեն շարժումիս:

Կայսր — (Գլխով կ'ընէ):

Թէօճանօ — Կը տեսնեմ, որ ստիպւած եմ մնալու... ու խօսելու, ինչքան ալ ծանր ըլլա ինծի:

Կայսր — Պօսէ:

Թէօճանօ — Գուրգէնը պէտք է որ գա:

Կայսր — (Աչքերը լայն բացած կը մնա սպառնալով):

Թէօճանօ — Եւ ան պիտի գա ոչ թէ իմ մէկ սպասուհիս համար, այլ ինծի համար, ինծի, կը հասկընաս, ինծի:

Կայսր — Չեմ հասկընար քեզի:

Թէօճանօ — Ուղեցի խնայեմ պատիւդ, ուղեցի չվիրաւորեմ հպարտութիւնդ. անա ինչպէս զնահատեցիր: Գուրգէնը պէտք է, որ գա: Եւ գիտես ինչու: Որովհետեւ ամենքը մէկ բերան կը կրկնեն, որ դուն կը վախնաս իրմէն, որ դուն կը նախանձիս իր տաղանդին, որ դուն քեզի նւաստ կ'ըզգաս իր ներկայութեանը: Իսկ ատիկա տանջանք է ինծի. ատիկա կը զարնէ իմ կայսերական կոչումիս, ատիկա կը զարնէ իմ կանացի հպարտութեանս: Ես հազար հազարներուն մէջէն ընտրեցի քեզի, ձեռքս երկարեցի քեզի, բարձրացուցի գահիս, անունդ կապեցի իմինիս, որովհետեւ յաղթող էիր, քաջ էիր, մեծ էիր: Ես այդպէս կ'ուզեմ քեզի:

Կայսր — Ո՞վ կ'ընա խցկեր սինլքոր մարդոց անդունդ բերանը. ատիկա վեր է և կայսեր ուժէն:

Թէօճանօ — Ո՛չ. վեր չէ: Արդէն միջոցը ես ըսի քե-

զի: Կը կանչես այդ քու Գուրգէնդ, կը դնես աչքի իյնող պաշտօնի մը գլուխը բոլորովին անփոյթ ու անտարբեր, որ տեսնեն ամենքը, թէ անկէ վախցողը չես դուն. դուն կայսր ես, իսկ ան քու ծառադ. քէֆդ ուզեց քաղաքեցիք, քէֆդ ուզեց՝ կը ներես: Նիկեֆօր, ասիկա կը պահանջեմ ես քեզմէ. ասիկա պէտք է կատարես դուն քո անունիդ համար, պէտք է կատարես իմ անունիս համար: Ես կ'ուզեմ հպարտ նայիմ ամենուն աչքին մէջը և հեգնութիւն չկարգամ անոնց շրթունքին անկիւնը: Գուն դեռ այս վայրկեանիս ոտքի տակ տւիր իմ ամենէն սուրբ սրբութիւնս. խնդրեմ, խնայէ գոնէ հպարտութիւնս:

Կայսր — Բայց, Թէօֆանօ...

Թէօճանօ — Մէկդի բոլոր բայց-երը: Կամ այո՛, կամ ոչ:

Կայսր — Կ'ըմբռնիմ, որ պէտք է կատարւի քու կամքդ: (Լուր) Գո՛հ ես:

Թէօճանօ — Գո՛հ: (Միտս վշտացած, հազիւ զսպելով արցունքները) Դեռ կը ծաղրես ալ: Ա՛, երջանիկ եմ, անսահման, այս քնքուշ տեսարանէն ետքը...

Կայսր — (Չեղբը մեկնելով) Թագուհի...

Թէօֆանօ — (Ետ քաշելով) Խնդրեմ, խնդրեմ... (Հպարտ ու վիրաւոր՝ սիւներուն մէջէն դուրս):

5

Կայսր — (Ետի կեցած է պատկառոտ մինչև կնոջ հեռանալը. վերջը կ'երթա դէպի սը ու նեղսիրտ) Կանչել Վասիլը: (Եւ քիչ մը ետքը Լեկապէնին, ծանր-ծանր, կարծես թխադրելով) Սուրհանդակ կը հանես Օհան Գուրգէնին. կը գրես իմ անունէս՝ անմիջապէս ճամբա իյնա դէպի Պօլիս. հոս կարևոր պաշտօն ունիմ իրենյանձնելու: Այսչափ: Վասիլ Լեկապէն — Հրամանդ տէր:

Կայսրը — Կեցի՛ր: (Քիչ լուռ) Լսածդ չզարմացնուց քեզի:
Վասիլ Լեկապէն — (Ժպտուն) Դժուար չէ ենթադրելը,
տէր, թէ այդ տեսակ մարդը ինչու կը կանչեն
այսպէս յանկարծ:

Կայսրը — Ինչո՞ւ կը կանչեն:
Վասիլ Լեկապէն — Աղատելու իր հոգին երկրային
ամեն հոգերէն: Եւ իրաւունք ունիս, տէր: Բաղդը
իր հետն ունենալը լաւ բան է. բայց և պէտք է
գիտնալ բաղդը պինդ բռնել, և պէտք է գիտնալ
իր բաղդին տիրել: (Կը խոնարհի ու դուրս:)

Կայսրը — (Աչքերը գոց) Պէտք է գիտնալ իր բաղդին
տիրել...



Բ. ՏԵՍԱՐԱՆ

ԱԿԼԲԵՐԿ. ԲԱԿԸ.

Խորքը հաս պարիսպ ու բերդի դարպասը: Դար-
պանի երկաթե փեղկերը գոց են, բաց է միայն փեղկի
վրայի փոքրիկ դռնակը: Պարիսպներուն վրայէն ձիւնա-
պաս լեռներ: Աջ կողմը քարէ սանդուղ, խաբխած ու
մամռապաս, որ լայն ասիւնաններով դէպի բնակարանը
կը տանի: Չախ կողմը երկու հիւնաւուրց ծառ, սակը
նիւղերէ շինած հասարակ փսած նստարան մը: Ամեն
դի բափած գոյնգոյն տեսնու խճիր: Ու լաւ տեսնու է:
պայծառ արեւ օր:

1

Չորս սպա խմբած միասին՝ լաւած ուշադրու-
թեամբ կը հետեւին, մինչ Հաննա աղեղը ձեռքը նստն
նստն կը կանգնուի:

բռնելու վրա է: Քիչ մը ասին լուռ. ու յանկարծ նետը
կը բռնի: Ընդհանուր շարժում:

Տարիֆոս սպան — Հրահր է:

Երկրորդ սպան — Պատահմունք:

Միւս սպան — Պատահմունք, երկու անգամ իրար վրա:
Թորոս — (Չորրորդը թարմ տղա մը) Հրահր է, Հաննա:

Երկրորդ սպան — Պատահմունք է, ինչ կ'ուզէք ըսէք:
Հաննա — (Թորոսին) Տուր նետ մըն ալ:

Միւս սպան — Ո՛չ. պայմանը երկու էր. թող առաջ
գա մըձողը:

Երկրորդ սպան — Եթէ մեր բոլոր զօրավարներուն
աղջիկները այսպէս նետ քաշել գիտնային՝ ալ
ինչի՞ էին պէտք նիկեֆոր կայսեր իր բանակները:

Միւս սպան — Բարեկամ, սրախօսութիւնդ դիր կապար-
ճը ու փոխարէնը նետ մը վերցնուր, եթէ քաջ ես:

Երկրորդ սպան — Եղբայր սիրելի, նետ է ու չգիպաւ.
Էտքը. յաղթելնք աղջիկէ՞ մը:

Տարիֆոս — Ես ինձի կը յայտարարեմ յաղթած:
Երկրորդ սպան — Այո. մենք ալ, մենք ալ:

Հաննա — Ուրեմն կախեմ աղեղը:
Տարիֆոս — Կախէ, օրիորդ, ու յայտնէ կամքդ:

Թորոս — Հրամանը քուկդ է, Հաննա:
Հաննա — Կը հրամայեմ, իսկոյն պատրաստ ըլլալ:

պիտի ելնենք, այ, հոն... ձիւնէ գագաթները:
Միւս սպան — Ձիւնէ գագաթները:

Երկրորդ սպան — Ատոր համար երկու թև է պէտք
ամեն մէկուս ուսին:

Հաննա — Ինչո՞ւ: (Տարիֆոս սպան մատնանիշ) ԶԷ
որ նոր է բարձրացեր... ամբողջ խմբով:

Տարիֆոս — Նախ՝ ան ուրիշ խումբ էր, օրիորդ, լե-
ռան վարժ մարդիկ: Երկրորդ՝ մենք հասանք

միայն մինչև պատուածքը և շատ ալ դժուար:

Ըսի, որ գագաթը եյնողը Գուրգէնն էր միայն: Երկրորդ սպան — Զօրավանդը. և ինչո՞ւ:

Տարիֆօք — Ա՛յնպէս, քմահաճոյք, և մեր բոլորիս ստիպումին հակառակ. սեպ ժայռ, փուխը ձիւն, տակն ալ անդունդ:

Միւս սպան — Ուրեմն, օրիորդ, ուրիշ հրաման մը:

Հաննա — (Հանգիստ ու յամառ) Հո՞ն, ձիւններն ի վեր...:

Միւս սպան — Բայց լսեցիր՝ դժւար է, վտանգաւոր:

Հաննա — Ըլլար դիւրին ու անվտանգ՝ ելած կ'ըլլային ամենքը:

Տարիֆօք — Իսկ հայրդ. թոյլ կու տա՞:

Հաննա — Այդ հոգը թող ինձի:

Միւս սպան — Աղէկ, երթանք մինչև լանջի գիւղը, ձին կը բարձրանա: Քիչ մը կը հանգստանանք ու կը փորձենք աւելի վեր՝ որքան հնար է:

Տարիֆօք — Մինչև գիւղը կարելի է, իհարկէ, թէև...:

Միւս սպան — Դէ, ամեն մարդ իր ձիուն հոգը:

Երկրորդ սպան — Ուրեմն դէպի ձիւններն ու անդունդները:

Տարիֆօք — Այդպէս է, տղաս, երբ աղեղը աղջկան մը ձեռքը կը մնա:

2

Երեք սպաներ կը հեռանան: Հաննան կը մօտենա թորոսին, որ կեցած է երազկոս՝ յեմած նստարանին:

Հաննա — Դո՞ւն ինչ ես մոլորեցիր:

Թորոս — Հաննա, ինչ լաւ է հոս, ինչ լաւ է ձեր այս բերդը, Քանի եկեր եմ արև է հոգիիս մէջ, ինչպէս և շուրջս, ինչպէս և երկինքը, այս ամբողջ շաբաթը: Չգիտես ինչ ձանձրալի է հոն մեր ամբողջը, ձորերուն ու մառախուղներուն ծոցը: Օղը գորշ, մարդիկը գորշ, ապրուստը գորշ: Հոս

շարժում կա, Հաննա, թարմութիւն կա հոս: Քու հայրդ ալ ուրիշ է, դո՞ւն ալ ես ուրիշ:

Հաննա — Իրա՞ւ:

Թորոս — Ա՛յ, քիչ մը առաջ, որ ըսիր՝ ելնենք այն վերի ձիւնոտ սարերը, այնպէս խորունկ, այնպէս աղւոր բան մը կար ձայնիդ մէջը...: (Յանկարծ ու խորհրդաւոր) Ես կու գամ քեզի հետ, Հաննա. ես ու դուն կ'ելնենք միասին մինչև ձիւնները, մինչև գագաթը...:

Հաննա — Մինչև գագաթը՝ ո՞չ. մինչև պատուածքը:

Թորոս — Չէ՞ս հաւտար խօսքիս:

Հաննա — Կը հաւտամ, բայց չեմ ուզեր: Ես միեակ պիտի բարձրանամ գագաթը:

Թորոս — Ինչո՞ւ:

Հաննա — (Պատակով) Այդպէս է ճակտիս գիրը:

Թորոս — Ես լուրջ կը խօսիմ, Հաննա:

Հաննա — Իզո՞ւր: Լուրջ խօսելուդ պէս՝ կը տխրիս. նայէ արդէն ունքերդ կախ ինկան. իսկ տխրիլը կեանքի ամենէն անմիտ բանն է գուցէ:

Թորոս — Բայց ինքդ բնաւ այդպէս ուրախը չես:

Հաննա — Ատոր համար ալ կ'ըսեմ քեզի՝ մի ըլլար լուրջ:

Թորոս — Հաննա, շիտակ ըսէ, երբէք սիրած ես:

Հաննա — (Շեշտ նայելով անոր աչքերուն) Դիցուք... այո՛:

Թորոս — Եւ ո՞վ է այդ աստուածային բաղդաւորը:

Հաննա — Է՛, ինչի՞դ է պէտք աստուածներու գործը:

Թորոս — Անւանել չես ուզեր: Ըսէ գոնէ, ո՞ւր է, հոս, բանակը:

Հաննա — Ո՛չ հոս, ո՞չ բանակը:

Թորոս — Հապա՞:

Հաննա — Ա՛յ, հո՞ն, վէրը, ձիւնոտ գագաթներն ի վեր, ուր ես հիմա երթալ կ'ուզեմ:

- Թորոս** — է՛, դուն վրաս կը խնդաս:
- Հաննա** — Ինչո՞ւ: Դուն գիտես, որ ես քեզի միշտ սիրեր եմ դեռ մեր մանուկ օրերէն:
- Թորոս** — Ա՛խ, այն ուրիշ...
- Հաննա** — Ինչո՞ւ ուրիշ. այնպէս. միշտ այնպէս: Դէ, գնա՛ թամբել տուր ձիերը, ես ալ երթամ հագուիմ: (Չլարճանքով) Պիտի տեսնես, որ երեքն ալ մնալու են կէս-ճամբան. կը ճանչնամ երեքն ալ:
- Թորոս** — Բայց կը շարունակենք ես ու դուն: Քանի որ ախոյանս լեռան քաջք մըն է, ոչինչ. ես քաջքերէ վախցողը չեմ, Հաննա: (Աշխուժ ձախէն դուրս):

3

- Աղշիկը կը մնա քիչ մը մինակ ու մտածկոտ, վերջը կը դառնա որ երբա դեպի սանդուղները, երբ խորհէն կը մտնէ Օհան Գուրգէն ու ձայն կու տա.
- Օհան Գուրգէն** — Հաննա:
- Հաննա** — (Կը քարանձա՛ ստանց ետ նայելու):
- Օհան Գուրգէն** — (Մօտենալով) Հաննա, չէս լսեր:
- Հաննա** — (Կապուած շարժումով մը կը դառնա անոր):
- Օհան Գուրգէն** — Անշուշտ գիտէիր, որ այս կողմերն էի:
- Հաննա** — Լսած եմ. եկեր ես կալածներդ, եղեր ես և մեր Հաշտենքի հողը, հոն, վերը, մեր լեռները...
- Օհան Գուրգէն** — Այո՛. և չեմ եկած քեզի:
- Հաննա** — (Գլուխը կախելով) Յանցանքը իմա է: Ըսի քեզի բաներ, որ երբէք պէտք չէ ըսած ըլլայի. Հիմա ճշուժ կ'ըզգաս ինձի հանդիպելէն:
- Օհան Գուրգէն** — Այնպէս որ աւելի կը զարմանաս գուցէ հիմա եկած ըլլալուս:
- Հաննա** — Այդպէս է:
- Օհան Գուրգէն** — Եկեր եմ հրաժեշտ առնելու: Կը հեռանամ այս կողմերէն և երևի երկար ժամանակով:

- Հաննա** — Հապա աքսորդ:
- Օհան Գուրգէն** — Անցաւ: Հիմա կ'երթամ Պօլիս: Եւ գիտես ինչու:
- Հաննա** — Ըսէ:
- Օհան Գուրգէն** — Կ'երթամ կայսր դառնալու:
- Հաննա** — Կայսր:
- Օհան Գուրգէն** — Այո՛, բարձրանալու բիւզանդական կայսրներու գահը:
- Հաննա** — Եւ ստեղծելու նոր պետութիւն մը, որուն հոգին ըլլալու է մեր Անատոլիին: Ստեղծելու մեծ Անատոլի մը:
- Օհան Գուրգէն** — (Նախ զարմացած կը նայի): Ա՛խ, այդպէս: Այո՛, Հաննա, այդպէս է: Կը տարակուսիս:
- Հաննա** — Տարակոյս: Դուն ունեցեր ես, ինչ որ սիրտդ ուզեր է. դուն հասեր ես, ուր ցանկացեր է հոգիդ. դուն եղեր ես, ինչ որ կամքդ վճար է:
- Օհան Գուրգէն** — Կայսր դառնալը, այո՛, վճար եմ:
- Հաննա** — Եւ ո՞վ է աւելի արժանի, քան դուն, ո՞վ է աւելի կարող, քան դուն: Գնա՛, եղի՛ր կայսր, գնա՛ տիրէ՛ ու ստեղծէ՛ քու պետութիւնդ: Դուն ստեղծուած ես տիրելու համար, դուն ստեղծուած ես ստեղծելու համար:
- Օհան Գուրգէն** — (Յափշտակութեամբ) Իսկ դո՞ւն: Իսկ դո՞ւն ինչու համար ես ստեղծուած, Հաննա:
- Հաննա** — Թող, թող ինձի. խօսէ՛ քեզմէ:
- Օհան Գուրգէն** — Ինչպէ՞ս թողնեմ, երբ եկած եմ հոս ճիշտ ատոր համար: Երթալէս առաջ դուն պէտք է գիտնաս ամեն ինչ: Ես այլ ևս լռել չեմ կրնար, Հաննա, ես այլ ևս լռել չեմ ուզեր:
- Հաննա** — Ի՞նչ բան է ատ, որ չես կրնար, որ չես ուզեր:
- Օհան Գուրգէն** — Հաննա ես չուզեցի աւելի խոսովեմ քու հոգիդ, չուզեցի աւելի հրահրեմ քու զգացում-

ներդ: Մտածեցի՝ քու մէջդ դէպի ինծի եղածը աղւոր ու քնքուշ երազ մըն է, ձիւնէ փափուկ ու ձերմակ կերտւածք մը, որ հալի պիտի ու ցնդի՝ տաք շունչ մը քեզի դիպածին պէս: Իսկ ինչ որ իմ մէջս սկսեց էր խլրտիլ՝ կարծեցի քու անբիծ հմայքիդ մէկ սուրբ շոյանքը, մեղմ ու վաղանցուկ: Ու չեկա, չգրեցի, որ մարի, հատնի:

Հաննա — Ձգէ, զօրավար, դուն արդարանքի պէտք չունիս: Ես անչափ, անչափ շնորհակալ եմ քեզմէ: Շնորհակալ եմ և այս այցիդ համար և նախորդ հանդիպումներուդ: շնորհակալ եմ քեզի քու պատճառած բոլոր ուրախութիւններուդ համար, քու տւած վշտիդ, քու ներշնչած հպարտութեանդ, մտածումներուդ: շնորհակալ եմ քեզմէ եկած ամեն բանի համար: Թող այդ մասին ալ չխօսինք:

Օհան Գուրգէն — Չհասկըցար: Լսէ, խօսիմ քեզի բոլորովին մերկ: Ես առեր եմ կեանքէն ինչ որ աշխարհի հոսանքը բերեր է ինծի, փրցուցեր եմ կեանքէն, ինչ որ ուժս պատեր է: բայց հոգիս միշտ մնացեր է դժգոհ, մնացեր է կարօտ. ու խուլ կերպով, կարծես ինծմէ իսկ ծածուկ, որոներ է ուրիշ բան մը, ուրիշ կեանք մը, որ վեր ըլլա առօրեայէն, որ չճանչնա սովորականի գոհակութիւնը: Հոգիս ծարաւեր է ուրիշ տեսակ էակի մը, ազնւացնող, գտող, բարձրացընող: Աղօտ ու հեռուոր մշուշի մը յածող շունչն էր այդ էակը ինծի համար. և ես անըջել իսկ չէի կրնար, թէ օր մը ան պիտի կենար դէմս մարմին առած, խոր, սուրբ ու հմայիչ, ինչպէս հիմա դուն կեցած ես իմ դէմս: Կեցած ես այդպէս պարզ ու բնական, ու լաւ ալ չես հասկնար, թէ ինչ կ'ըսեմ քեզի, թէ ինչ ես դուն և թէ ինչ արժես:

Հաննա — Ո՛չ, զօրավար, լաւ գիտեմ՝ ինչ եմ ես, գիտեմ՝ ինչ ես դուն: Քու ազնւական հոգիդ կը մեղքընա ինծի, սիրտս առնել կ'ուզէ. իզո՛ւր. չեմ ուզեր:

Օհան Գուրգէն — Իսկ եթէ ըսեմ քեզի, թէ դուն հիմա հետս ես միշտ ու ամեն տեղ...: Դուն հետս էիր վերջին կոիւնքերուս ատեն, դուն հետս էիր դարձիս, որսիս և հոն, վերը, ձիւնոտ լեռներուն վրա: **Հաննա** (Մեծ ընդհանրով) Հետդ էի, հա՛, հետդ էի և հոն, վերը, ձիւնոտ լեռներուն վրա...

Օհան Գուրգէն — Նեղ ու ծանր վայրկեաններուս քու կերպարանքդ է, որ կը կենա դէմս, կարծես քեզի հետ է որ կը խորհրդակցիմ. քեզի է, որ կը դիմեմ, երբ թե առնել կ'ուզեմ, երբ վարերէն վեր կը ձգտի հոգիս, դէպի վեր:

Հաննա — Հերիք է. լռէ: Հասկցիր, որ չեմ կրնար... որ չեմ կրնար այս բոլորը մէկ անգամէն: Արեւն է, արեւը, արեւը, որ կը թափանցէ էութիւնս, որ կը գրկէ հոգիս...: Ախ՛, ալ ինչո՞ւ կ'ապրիմ...

Օհան Գուրգէն — (Մեղմով կը մօտենա, հպարտ-ազնիւ շարժումով մը կ'ուզէ բռնէ անոր ձեռքը) Հաննա...

Հաննա (Կամաց ետ կը քաշէ ձեռքը ու տարօրինակ խօսւածքով) Մի՛, մի՛, մի՛ դպիր: Կը փշրես. կը կորչի, կը ցնդի: Երջանկութեան չնն դպիր, կը ցնդի...

Օհան Գուրգէն — (Պարզելով ձեռքը) Բռնէ ամուր ձեռքս, Հաննա, ո՛չ կը կորչի, ո՛չ կը ցնդի:

Հաննա — Ձեռքդ... **Օհան Գուրգէն** — Այո՛: Բռնէ ու բարձրանանք միասին կայսրներու գահը:

Հաննա — (Մոլոր) Գահը... բարձրանանք գահը...

Օհան Գուրգէն — Կամ գուցէ կ'ուզէիր, որ նախ երթամ տիրեմ գահերու, ժողովուրդներու, երթամ տիրեմ աշխարհներու ու ետքը գամ ոտքդ, հպարտ

աղջիկ, քեզի կայսրներու գահը տանելու:

Հաննա — (Հատու շեշտով մը, գուշակի մը պէս)
Դուն տիրես պիտի գահերու, ժողովուրդներու,
դուն տիրես պիտի աշխարհներու. այդ բոլորը
ըլլա պիտի: Բայց դուն ինձի քու գահը չես տա-
նելու. այդ մէկը պէտք չէ, որ ըլլա:

Օհան Գուրգէն — Ինչպէս:
Հաննա — Այդ մէկը պէտք չէ, որ ըլլա:

Օհան Գուրգէն — Կը մերժես:
Հաննա — Այդ մէկը պէտք չէ, որ ըլլա:

Օհան Գուրգէն — Ինչո՞ւ:
Հաննա — (Քիչ լուռ): Կ'ուզեմ արժանի ըլլամ քու այդ
մեծ սիրուդ, կ'ուզեմ ըլլամ արժանի քու հոգիիդ
որոնումին, կ'ուզեմ ըլլամ քեզի հաւասար:

Օհան Գուրգէն — Մերժելով. երբ իմ հոգիս միայն քե-
զի կը ձգտի, երբ ամբողջ էութիւնս սիրուդ կը
տենչա ու քեզի է ծարաւի:

Հաննա — Ճիշտ ատոր համար: Պէտք է, որ դուն ան-
գամ մը գոնէ տենչա ու չունենաս, ձգտիս ու
չհասնիս, ծարաւիս ու չյագենաս: Կ'ուզեմ որ
գոնէ անգամ մը չհասնիս Պետքար լեռան գաղաթը:

Օհան Գուրգէն — Պետքար լեռան...
Հաննա — Որ շուրջդ միայն դիակ չտեսնես, որ
տխրութիւնը չխեղդէ հոգիդ, որ չըսես՝ «ինչո՞ւ
համար», որ չխորհիս, թէ խեղճ բան է այս բո-
լորը և չի արժեր ոչինչ:

Օհան Գուրգէն — Դուն որ աշխարհէն իջած հոգի ես,
Հաննա, որ երկինքներէն կը թափանցէ շունչդ
իմ հոգիս:

Հաննա — Թող միշտ, ընդմիշտ, այդպէս հոգիդ լե-
ցուն ըլլա ինձմով. և միշտ, ընդմիշտ, ինքդ հե-
ռու, հեռու ինձմէ...

Օհան Գուրգէն — Հաննա, քու ընտրածդ ցաւն է. ան-
վերջ կարօտ ու տւայտանք:

Հաննա — Չգիտեմ անունը, բայց ատ է, որ չի անց-
նիր, որ չի հատնիր, որ չի ցամքիր: Կայսր քու
գահիդ վրա, ո՛չ. ևս կ'ուզեմ ըլլամ կայսր քու
հոգիիդ վրա:

Օհան Գուրգէն — Չարմանք է: Ինչ որ կ'ըսես՝ այն-
քան անբնական է ու հակառակ կեանքին, բայց
և այնքան հարազատ: Կարծես ձայնդ հոգիիս խո-
րերէն կու գա, էութեանս դեռ անձանաչ ու
մշտադիւրջ ալիքներէն: Գէպի անհասն ու անշէջը,
որ այնպէս կը քաշէ մեզի...: Քու ձայնդ, Հաննա,
կըքաշէ ինձի: Իրաւունք ունիս. մենք պէտք է
բաժնւինք: (Կը լուռ): Ալ չգիտեմ՝ ինչ ըսեմ քեզի:

Հաննա — Ըսինք ամեն ինչ:
Օհան Գուրգէն — Կը մնա... որ հեռանամ:

Հաննա — Կը մնա... որ հեռանաս:
Օհան Գուրգէն — Ալ չենք հանդպիր մենք իրարու:

Հաննա — Ալ չենք հանդպիր մենք իրարու:
Օհան Գուրգէն — Չունիս վերջին խօսք մը ըսելու ինձի:

Հաննա — (Աջ ձեռքը վեր) Երթաւ-բարով, զօրավար:
Օհան Գուրգէն — (Նոյնպէս) Մնաս-բարով, Հաննա:

Գուրգէն արագ կը հեռանա: Աղջիկը կեցած է պահ
մը անցած իր հպարտ-էիտակ դիրքովը, վերջը կը բուլնա,
քայլ մը երկու կ'երբա ետ-ետ, դեմ կու գա ծառից, գոյգ
քեւերով կը գրկէ ետեւէն ծառից բունը, որ վար չիլնա.
ու կը մնա այդպէ՛ս խաչածի պես:



Չ ո ռ ը ը ը ը ը Ա ը ա ը

Ա. Տ Ե Ս Ա Ր Ա Ն

ԿՍՅՍՐՈՒՀԻՒՆ ՆՆՋԱՐԱՆԸ

Ճակասք, չափազանց հաստ պատին մեջ ֆառակուսի լուսամուտ մը երկաթե ծանր փեղկերով: Չախ կողմը լայն ու բարձր անկողինն է ամպհովանիին տակ: Աջի պատին մեջ անագին մարմար բուխարիկը, որուն դեմը սենեակին մեջտեղը, ցած ու փափուկ բազմոց մը ամբողջովին կորած գորգերու ու բարձերու տակ: Բազմոցին մոտիկ արաբական փոքր սեղաններ՝ վրան զարդի ու յարդարանքի իրերով: Աջի դռուը կը տանի կանանցի միւս սենեակները. ձախը դեպի կայսերական բաժինը:

1

Գիշեր է: Տեսարանը վայրկեան մը պարապ ու մութ. միայն վառարանին կարմիր-դեղին լոյսը յատկին վրա: Գուրքը ուժեղ բուխ ու ֆամի, որ կը ցնցե փեղկերը ու ներս կը սուլի լուսամուտներէն: Երբ գուրքի աղմուկը կը մեղմի, կը լսի կրակին աշխուժ ճարճաբբ:

Աջէն կը մտնէ Կուզ պառաւը՝ ձեռքը մով. միաժամանակ ձախէն կուտուի Արկիւս:

Կոմսուհին — (Վրա վազելով ու կիսածայն) Չեկաւ:

Կուզ պառաւը — Դեռ ոչ, կոմսուհի:

Կոմսուհին — Վեր առի՞ք ելարանը:

Կուզը — Ներս մտան թէ չէ:

Կոմսուհին — Ուրեմն քանի՞ հոգի եղան հիմա:

Կուզը — Բնւրցէսը, այն հաստ բեխերովը և ուրիշ մը

քու սենեակը են. ծովի կողմէն եկողներն ալ իմ թովի սենեակս:

Կոմսուհին — Նշմարող ոչ-ոք. կասկածելի ոչ ի՞նչ:

Կուզը — Թող հանգիստ ըլլա կոմսուհին:

Կոմսուհին — Իսկ ներքինապետը:

Կուզը — Անիկա այնպէս հրաշալի անյայտանալ գիտէ, երբ կը տեսնէ որ աւելորդ է իր ներկայութիւնը:

Կոմսուհին — Եթէ կը համարձակի՞ թող չանյայտանա:

Կուզը — Սուր քիթ ունի. իսկոյն հասկըցաւ, թէ հոտերը ուրկէ կու գան:

Կոմսուհին — Քաշէ. եկան: Եղի՛ր նշանակած տեղս ու աչքերդ չորս բաց:

Կուզը — Կոմսուհին կը ճանչնա ինձի: Պառուեր եմ, շիտակ է, բայց գիտեմ թէ գործերը ինչպէս կը դառնան: (Դուրս ծախէն):

2

Աջէն կը մտնէ երկու պալատական օրիորդ՝ ձեռներնին մեյ-մեկ մով: Անոնց ետեւէն կայսրուհին արջապատ ֆանի մը պալատական կիներով: Մեկը կ'առնէ անոր վերնոցը, միւսը ֆողը, բեւեռէն ու փեշերէն բռնած կը նստեցնեն եւ իրենց յարգալից կը կեանք դեմը:

Թէօփանո — Շնորհակալ եմ: Գիշեր բարի բողբոջ:

Մէկը — Չունի՞ ուրիշ հրաման մեր երջանիկ թագուհին:

Թէօփանո — Հանգիստ քուն ձեզի:

Խուսրը — (Միաբերան) Գիշեր բարի, աստուծայինդ բազիլիսա: (Ծոր երկրպագումով կը քաշին աջէն):

3

Թէօփանո — (Իսկոյն դէպի կոմսուհին) Ի՞նչ լուր:

Կոմսուհին — Սարսափելի ծով է, թագուհի: Քաղկեդոնէն մինչև հոս, հոսանքին ու հիւսիսին բե-

րանը, ընկոյզի կեղևի մը վրա. սուղապի ան-
կարելի բան է, թագուհի: Չի պիտի գա:

Թէօճաֆ — Ժամը չլրացած հոս է ան:

Կոմսուհի — Եթէ չեկաւ՝ կորուած ենք բոլորս, թա-
գուհի: Լոյսի հետ կը բացւի ամեն բան: Բերան-
ներ կան, որ հիմա կարկամած են, առտուն այդ
ևս խցել չենք կրնար:

Թէօճաֆ — Ժամը չլրացած հոս է ան:

Կոմսուհի — (Ներթա կը բանա նակտի մէկ փեղկը)
Եկ՛ւր. եկ՛ւր նայէ: Նայէ ի՞նչ ծով է, ի՞նչ ալիք,
ի՞նչ թիփի: Ա՛, խաչեալ Յիսուս, դո՛ւ: օգնես մեզի:

Թէօճաֆ — Գոցէ փեղկը: Այդպէս: Լսէ: Ո՛չ ծովը
նչ հովը, նչ մրրիկ, նչ տարերք, նչ, արգիլել չեն
կրնար՝ ինչ որ ես ու ան վճռեր ենք, որ պիտի
կատարւի այս գիշեր: Ժամը չլրացած հոս է ան:
Իսկ ոտքը հոս դրաւ թէ չէ՝ ալ մենք ենք տէրը:
Մարէ մոմերը: Թող մնա մէկը: Բաց է իր ճամբան:

Կոմսուհի — Բաց է, թագուհի: Մեր ներքինին է հոն:

Թէօճաֆ — Իսկ կայսեր դճուր:

Կոմսուհի — Կը հսկեմ ինքս: Կարծես ոտքի ձայներ...

Թէօճաֆ — Ինքն է, ինքն է:

Կոմսուհի — Ա՛, Յիսուս փրկիչ... (Դուրս ձախէն):

4

Թէօճաֆ — (Կը նետի Գուրգէնին ընդատալ) Իմ
քնջա, իմ քնջա, որ իր դէմը արգելք չի ձանչ-
նար: Այս հովերուն, այս ծովերուն դիմազրաւողը
իրաւունք ունի ամեն բարձրութիւններու վրա
իր ոտքը դնելու, իրաւունք ունի բոլոր գահե-
րուն, բոլոր գիրքերուն: Ա՛, եկա՛ր, եկա՛ր:

Օհան Գուրգէն — Կեցի՛ր, կեցի՛ր, բան հասկնամ: Ես
եկե՛ր եմ, բայց միւսները:

Թէօճաֆ — Այո՛, այո՛, եօթն ալ. բայց նախ նստէ,
շունչ առ: (Կը քաշէ դէպի ըստը ու կը նստե-
ցընէ ըովը) Ա՛, ինչպէս յանկարծ յոգնութիւն
մը եկաւ վրաս... Իսկ դճուրը, դուրսը ինչպէս է:

Օհան Գուրգէն — Համակիր անթիւ, մասնակից քի-
չեր: Շատ աշխատեցա թիկնապահներու գունդը
զրաւեմ: Հրամանատարներէն մէկն է միայն մե-
զի հետ. միւսներուն մօտենալը շատ էր վտան-
գաւոր: Բայց միւսնոյն է՝ ի՞նչ կրնան ընել այդ
վարձկանները կատարած իրողութեան հանդէպ:
Թող ինձի այդ ամենուն հօգը. քու վրադ է միայն,
որ բաց պահես մեր առջը ննջարանին մուտքը:

Թէօճաֆ — Քիչ մը ետքը կ'երթամ մօտը ու պիտի
խնդրեմ, որ իր սենեակը գիշերեմ: Սոսկալի հով
է, անսովոր փոթորիկ, ամեն ծակէ կը սուլէ: չէ՞
որ կը վախնամ: Քնացաւ թէ չէ՝ բաց է դուրը:

Օհան Գուրգէն — (Ոտքի ելնելով) Ուրեմն վերջացաւ:
Կէս գիշեր չեղած՝ ալ Ֆոկաս չկա:

Թէօճաֆ — (Ինքն ալ ելնելով ոտքի) Այլ իմպերատոր,
աւտոկրատոր, կայսր ու բազիլէս Օհան Գուրգէն:
Ի՞նչ ալ աղւոր կը վայլէ անունիդ:

Օհան Գուրգէն — Թող հիմա այդ բոլորը:

Թէօճաֆ — Ո՛չ: Դուն չգիտես՝ ի՞նչ սքանչելի զոյգ ենք
ըլլալու ես ու դուն: Այդպիսի զոյգ դեռ չէ տեսած
այս պալատը. այդպիսի զոյգ դեռ չէ նստած՝ նչ
բիւզանդական և նչ աշխարհի որևէ գահին: Երե-
ւակայէ ինձի ու քեզի քով քովի, այ՛, այսպէս,
մեծ դահլիճի ամպհովանին տակը, մեր կայսերա-
կան բովանդակ շուքովը, շրջապատուած ու պաշ-
տած ամենքէն. մեր ոտքերուն տակ Ռումէական
ամբողջ աւագանին, ամբողջ աղնակահութիւնը
և քու բոլոր յաղթական բանակներդ: Ատիկա է

միակ արդարը. աշխարհը պիտի երկրպագէ արիին ու գեղեցիկին: Ո՞վ աւելի արի, քան դուն, ո՞վ աւելի գեղեցիկ՝ քան ես: Պէտք էր, որ դար այս օրը: **Օհան Գուրգէն** — Իսկ ես ինչքան, ինչքան ջանք եմ թափեր, որ այդ մարդը դառնա կայսր:

Թէօֆանօ — Հապա ես:

Օհան Գուրգէն — Իրաւ է:

Թէօֆանօ — Ես ու դուն բարձրացուցինք անիկա վեր. ես ու դուն ալ հիմա կը դարնենք գետին:

Օհան Գուրգէն — Իսկ ո՞ր են տղաքը: Կ'ուզէի տեսնեմ:

Թէօֆանօ — Ա՛խ, ինչո՞ւ չբացուցան մեր աչքերը ասկէ վեց-եօթը տարի աւելի կանուխ: Իզո՞ւր կորած ու ճմուռած տարիներ. ափսոս... որոնց վրէժը սակայն պէտք է լուծւի այս գիշեր: (Յանկարծ կատաղի բողոքով) Չորցուց իմ կեանքս այդ չոր ճիւղը, մաշեց երիտասարդութիւնս: Ա՛, ես կ'ատեմ իր այն աղւէսի աչքերը, իր հաստ շրթունքը, կ'ատեմ իր զգւելի ձեռքերը, այն թաց ձեռքերը...:

5

Կոմսուհին — (Ներս վագելով) Կայսրը, կայսրը, թագուհի:

Թէօֆանօ — Հանգիստ: Առաջնորդէ կոմսը քու սենեակը: Եւ ոչ-ոք չշարժի իր տեղէն մինչև ձայնչտամ:

Կոմսուհին — (Անհանգիստ ու շտապեցրնելով) Տէր...:

Օհան Գուրգէն — (Տեսակ մը ակամս կը հետեւի անոր):

6

Թէօֆանօ — (Արագ կը նստի՝ կոնսկը դարձուցած դէպի կայսեր դուռը, արմուկները ծունկերուն ու դէմքը ձեռքերուն մէջ):

Կայսր — (Կը մտնէ շատ դանդաղ ու խիստ մոայլ եւ լուռ կը նայի քիչ մը) Ի՞նչ կ'ընես հոտ:

Թէօֆանօ — (Ընդոստ) Վա՛յ, ինչպէս վախցուցիք ինձի:

Կայսր — Ո՞ւր են կիներդ, ինչո՞ւ ես մինակ:

Թէօֆանօ — (Տխուր) Նոր ճամբու գրի. կ'ուզէի պատկիմ, քոնս չի տանի: Ի՞նչ գարշիլի գիշեր է: Ինչպէ՞ս եղաւ, որ յիշեցիք իմ գոյութիւնս պալատիդ մէկ անկիւնը:

Կայսր — (Յաւոտ ժպիտով) Կարօտե՞ր ես: Չէ որ ես կ'ըզգամ՝ դուն դժգոհ ես միշտ, երբ ես կուգամ քեզի:

Թէօֆանօ — Ինչպէ՞ս կ'ուզես, որ գոհ ըլլամ, երբ մեր յարաբերութեան մէջ մնացեր է միայն քարացած սովորութիւն մը, անհոգի ու անմտերիմ:

Կայսր — Մտերիմ: Ատ ի՞նչ շոայլութիւն է ինձի համար: Բաւ է և ան, որ դեռ հաւատքի կտոր մը մնացեր է մէջս. և ան ալ գիտես ինչու:

Թէօֆանօ — Ըսէ:

Կայսր — Որովհետև շատ կը պնդեն, որ չհաւատամ քեզի: Կ'ուզե՞ս ամենէն վերջին նմուշը: (Ժողէն ծալլած թղթի կտոր մը հանելով) Ա՛ն կարգա:

Թէօֆանօ — Ո՛չ, ո՛չ: Ի՞նչ բան է: Կարգա ինքդ:

Կայսր — Լաւ, կարգամ, մեծ հաճոյք է: «Այս գիշեր պառկելէդ առաջ անպատճառ խուզարկել տուր կանանոցիդ բոլոր անկիւնները. ամբողջ բանակ մը պիտի գտնես թաքնուած. չհաւատաս կնոջդ հնարքներուն: Ահա կ'ըզգուշացնէ քեզի քու անկեղծ բարեկամդ»: Է՛, ի՞նչ կ'ըսես իմ անկեղծ բարեկամիս խորհրդին:

Թէօֆանօ — (Կեցած է լուռ ու հանգիստ): Ի՞նչ պիտի ըսեմ. ի՞նչ կ'ընամ ըսեր: Հետե՛ք իր խորհրդին, և խնդրեմ, մի հաւատար ոչ ինձի, ոչ իմ խօսքիս, ոչ իմ հնարներուս: Ինձի պէտքը չէ քու հաւատքդ, որ այդ տեսակ ստորին աղբիւրներէ կը բխի: (Հետզնետ անող կատաղութեամբ)

Ահա ես, ահա քու կանանոցդ. կանչէ ներքինի-
ներդ, կանչէ թիկնապահներդ, կանչէ բոլոր զօ-
րավարներդ, բանակներդ. թող գան, խառնեն,
ոտքի տակ տան, թող գան մերկացնեն, պատռեն,
պղծեն, խորտակեն ամեն բան ու ամեն սրբութիւն,
միայն թէ ալ ազատիմ, ազատիմ, ազատիմ...

Կայսր — Իզոլը. չըսի, որ յուզւիս. ըսի, որ հասկընաս:
Թէօճանօ — Ի՞նչ կ'ուզեն ինձմէ, Աստուած իմ: (Լա-
լով) Ինչո՞ւ կը տանջեն, ինչո՞ւ կը հալածեն, ես
ի՞նչ եմ ըրեր անոնց:

Կայսր — Չգիտես: Յաղթեր ես, բարձրացեր ես գա-
գանքը, դուն կայսր ես: Մարդկային ծածուկ ու խո-
րունկ ատելութիւնն է ատիկա ամեն բանի դէմ,
ամեն մարդու դէմ, որ յաջողեր է, որ հասեր է,
որ գագաթն է: Չյաջողածներու վրէժն է ատի-
կա, ետ մնացողներու անքուն ատելութիւնը:
Հանգիստ չեն տալու, խայթելու են և մութին
մէջ արմատները կռծելու: Նայէ, դուն զայրա-
ցար, լացիր, պոռացիր ու թիթեցար: Իսկ ես,
ես ինչ ընեմ, Թէօֆանօ, ո՞չ կին եմ, ո՞չ լալ
կրնամ, ո՞չ ալ մնալ անտարբեր: Կը կարծես դիւ-
րին է ինձի: Երբեմն այնպէս ծանր վայրկեան-
ներ կու գան վրաս, ներսը, այն ընդարձակ
ննջարանիս առանձնութեան մէջ: Ա՛յ, մանա-
ւանդ այսպէս խօլ ու դիւահար գիշերները, պա-
տերուն ցայտերն ու քիւերն անգամ կարծես
կեանք կ'առնեն մոմիս դողդոջ լոյսին տակ և մո-
լեգնոտ հովը պատուհանիս ձեղքերէն գիտես ինչ
սև դաւեր կը պատմէ ինձի:

Թէօճանօ — Ի՞նչ ըսել կ'ուզես... Նիկեֆոր:
Կայսր — Թէօֆանօ, կ'ըզգամ, որ շուրջս բան մը կը
դառնա. կ'ըզգամ, որ դաւ մը կը նիւթւի մեզի

դէմ: Քիչ մը առաջ էր՝ նստեր էի ներսը մտա-
ծումներու հետ՝ յանկարծ այդ նախազգացումս
այնպէս սարսափելի սուր կերպարանք առաւ, որ
կամքիս հակառակ ներսը մնալ չկրցայ: Ա՛յ, ելեր
եկեր եմ քեզի, հոս, շիտակ հոս, ինքս ալ չգի-
տեմ իսկապէս՝ ինչո՞ւ:

Թէօճանօ — (Անտուծ) Նիկեֆոր... Նիկեֆոր...
Կայսր — Եկեր եմ ու այս բոլորը կը պատմեմ քեզի:
Ուրիշ որո՞ւ երթամ, ուրիշ որո՞ւ ըսեմ. իսկ լո՞ւ
չեմ կրնար. կ'ըզգամ, որ չեմ կրնար:

Թէօճանօ — Խօսէ, խօսէ... ինչ որ գիտես: Ի՞նչ դաւ
է ատիկա և արդեօք ո՞վ: Ա՛խ, եթէ գիտնայի՞նք:
Կայսր — (Շեշտ կնոջը նայելով) Ես գիտեմ:
Թէօճանօ — (Ակամա քայլ մը ետ քաշւելով) Գիտես...:

Կայսր — Այո:
Թէօճանօ — Ո՞վ:
Կայսր — Գիտեմ:
Թէօճանօ — (Հագիւ լսելի, ակումներուն մէջէն) Ըսէ...

Կայսր — Ըսէ դուն ինքդ:
Թէօճանօ -- Ե՞ս: Ըսեմ ես...
Կայսր — Ո՞վ կը կարծես:
Թէօճանօ — Հազար անուն կ'անցնի մտքէս:

Կայսր — Ո՞րն է առաջին անցածը:
Թէօճանօ — Առաջինը. պիտի զարմանաս. Գուրգէնը:
Կայսր — (Խնդալով) Չեմ գործմանար. սուր է եղեր
միշտ քու հոտառութիւնդ:

Թէօճանօ — Նորէն այդ մարդը. նորէն այդ մարդը
կ'եղնէ իմ դէմս:
Կայսր — Վարպետ է և զգուշ. բայց կոյր չեմ և ես:
Հիմա ինձի համար պարզ է, թէ այն ինչ պատ-
մութիւն էր Բարդասի քրոջը հետ: (Կտրուկ ու
մութիւն էր Բարդասի քրոջը հետ: (Կտրուկ ու
դաժան կնոջը մօտենալով) Ան կ'ուզէր իրեն

համար դաւակից մը կանանոցիս մէջ. ան կ'ուզէր մէկը, որ ներսէն բանար դուռը...

Թէօճանօ — (Սարսափահար) Ի՞նչ կ'ըսես, Նիկեֆօր՝ ի՞նչ կ'ըսես...

Կայսր — Ես գիտեմ, կը հսկեմ: Անոր մատն է այս ամենուն տակը. անոր մատն է և այս նամակին մէջ: Կ'ուզէ խափ տա մէկ-երկու հեղ, որ երբ օր մը ճշմարիտ որ գա, ես անհոգ ըլլամ ու չհաւտամ:

Թէօճանօ — (Յանկարծ խիստ յանդիմանալով) Ինչո՞ւ չէք ըսեր ինծի այդ բոլորը, ինչո՞ւ էի լռեր: Եւ վերջապէս հիմա՞ ինչու ես կեցեր. ելիր, զորդ, սատկեցո՛ւր:

Կայսր — Ինչո՞ւ... հը՛մ, ինչո՞ւ... (Ինքզինքը ծաղրելով) Որովհետեւ... որովհետեւ ան է կապեր առաջին անգամ ոտքիս այս կարմիր կօշիկները:

Թէօճանօ — Ի՞նչ միամիտ տխմար բաներ կը խօսիս:

Կայսր — Չէ՛: Բայց ալ վերջացաւ: Թող գա՛ ինչ որ գալու է, թող ըլլա՛ ինչ որ ըլլալու է: Անիկա... պէտք է մեռնի:

Թէօճանօ — Միայն թէ շո՛ւտ: Դուն վախ դրիր իմ մէջս:

Կայսր — Ան կ'ուզէ այդ վախը դնէ և իմ մէջս. բայց ժամանակ չեմ տար իրեն: Հիւսած եմ արդէն իր մահը:

Թէօճանօ — Ե՞րբ, ե՞րբ:

Կայսր — Վաղը պիտի երթա որսի: Գիտեմ, որ որսը շատ կը սիրէ. թող մեռնի որսի ատեն: Ենորհ մըն է, որ կ'ընեմ իրեն: Դժբաղդ պատահմունք մը: Վերջը կը նւիրեմ իրեն փառաւոր թաղում մը արքունի գանձէն և թող սչ-մէկը չանցընէ մտքէն, թէ Նիկեֆօր կայսրը վարձատրել չգիտէ իր ծառաները:

Թէօճանօ — (Մեծ ուրախութեամբ) Հիմա հանգիստ եմ, հիմա կը հաւտամ: Լա՛ւ է, ի՞նչ լա՛ւ է. հրաշալի ես կարգադրեր:

Կայսր — Կարգադրողը ես չեմ. կարգադրողը ինքը եղաւ: Ի՛նքն էր, որ կը պատմեր, թէ այս ամբողջ շաբաթը որսի է երթալու: Դեռ կը խօսէր, որ ես վճիռս տւած էի արդէն: Ճակատագրի վճիռն է ասիկա: Վերջը-վերջը ըլլա՛ր պիտի, ուշ կամ կանուխ: Ճակատագրին դէմ երթալ կարելի չէ:

Թէօճանօ — (Խորհրդաւոր ու սարսափով) Այո՛ Նիկեֆօր, այդպէս է. ճակատագրին դէմ երթալ կարելի չէ:

Կայսր — Ա՛, ճակտի գի՛րը: Եթէ գրւած է, որ պիտի մեռնիս այս գիշեր, հիմա, պահիկ մը ետքը՝ կը մեռնիս, ոչինչ չի փրկեր: Կարծես աչքերդ կը փակուին ու չես նշմարեր ինչ որ շուրջդ կը կատարուի:

Թէօճանօ — (Միշտ նոյն սարսափով) Այո՛, Նիկեֆօր, այդպէս է. չես նշմարեր ինչ որ շուրջդ կը կատարուի:

Կայսր — Կարծես բանականութիւնդ կը կողպւի. կու գան կ'ըսեն երեսիդ ու չես հասկընար:

Թէօճանօ — (Նոյն եղանակով) Այո՛, Նիկեֆօր, այդպէս է. կու դան կ'ըսեն երեսիդ ու չես հասկընար:

Կայսր — Խախտեցան ու մեռան մէջս բոլոր հաւատքները. մնաց ճակատագիրը. փաթթւեր եմ անոր:

Թէօճանօ — Լսէ՛, Նիկեֆօր, թող այս գիշեր գամ սենեակդ պառկելու: Հոգիս ցունց ելաւ ըսած խօսքերէդ, հոմե՛ ալ դուրսը գէշ-գէշ կ'ոռնա... Չեմ կրնար միտակ:

Կայսր — Եկո՛ւր: Անկողինս ազատ է: Գիտես. որ ես կը պառկիմ բաղնոցին:

Թէօճանօ — Գիտեմ. փաթթւած սուրբիդ վերադրուին մէջ:

Կայսր — Իմ ուխտս է: Կ'ուզեմ իր շուքին տակ, իր սրբութեան: Երբ կը փաթթւիմ իր վերարկուն, կարծես ճակատագրին է, որ կ'ապուլինիմ: Քա-

լէ երթանք: Յոգնած ու քնատ եմ ես ալ: Ա՛, շնա
եմ յոգնած:

Թեօճանօ — Փոխեմ հազուստս, կու գամ. դուն գննա:
(Կերթա աջի մուտքը) Մեղանիա:

Կայսր — Աղէկ: Եթէ քնած ըլլամ, չմոռնաս դնելու
դռան մեծ նիզը: (Չախէն դուրս):

Թեօճանօ — Ա՛, ճակտիդ պիւրը: Ալ չի փրկեր քեզի ոչ-
մէկ դուռ, ալ չի փրկեր քեզի ոչ-մէկ նիզ...

7.

Կոմսուհին — (Կը կենա մուտքին վախով ու հարցական):

Թեօճանօ — Գնա ներս, յայտնէ... որ բնց է դուռը...

Կոմսուհին — (Ետ-ետ երթալով) Այո, իսկոյն, իսկոյն...
յայտնեմ, որ բնց է դուռը... (Դուրս):

8.

Թեօճանօ կը յարձակուի, կը մտնէ մտք: Սե-
նեակը յուսաւորած է միայն կրակի կարմրաւուն դող-
ղոջ լոյսովը, որուն մեջ կեցած է քաղուհին պիտ աչե-
րով: Քիչ մը ետք ներս կը նեւի Օհան Գուրգէն:

Թեօճանօ — Կ'երթանս...

Օհան Գուրգէն — Կ'երթանք: Արդէն զրկեցի: Բնջ ե-
ղիւր, ինչ ալ որ ըլլա. չի վախնաս... (Յանկարծ
կը ծոխի դէպի Թէօճանօի դէմքը) Նայէ ինձի,
նայէ շիտակ աչքերուս... (Մարսաւիով) Բու աչ-
քերդ կը խնդան, Թէօճանօ:

Թեօճանօ — Արդէն վստահ եմ մեր յաղթանակին:
Գնա, գնա...

9.

Գուրգէն կը նեւի դուրս. Թագուհին անոր ետեւէն
հայլ մը կ'ընէ դեպի ձախի դուռ ու փոքրիկ վար ծը-
ռած, ականջ դնելու դիւրով կը փառանա ամբողջ մարմնով:

Ներս կը վագի կոմսուհին շնչանեղ: Թեօճանօ խ-
կոյն կը շեղի ամբողջ հասակովը ձիգ ու պրկած: Կոմ-
սուհին կը նեւի անոր ոտքը՝ ձեւեւովը դեմքը ծածկած:

Թեօճանօ — (Մոլ ձայնով) Խօսէ:

Կոմսուհին — Վերջացաւ: Տեսա... սարսափելի է...

Թեօճանօ — (Արագ կ'ըսկսի հանիլ) Ելի՛ր, գոցէ
ներս տանող դուռը, կողպէ. ձգէ վարագոյրները:
Բնց անկողինս: Շնտ, շնտ, գնա սենեակդ,
հանէ՛ դուռ ալ: Ներսէն աղմուկ լսելուն պէս
կը վագէք հոս ինձի արթնցնելու: Կը լսես...
կը վագէք հոս, ինձի արթնցնելու... բոլորդ միասին
ինձի արթնցնելու... (Շտապ կը սպրդի անկողինը):



Բ. ՏԵՍԱՐԱՆ

ԳԱՀԻՆ ԳԱՀԻՃԸ

Դահլիճը խոր, բարձր ու բնդարձակ: ձակասը գահն
է շեղ ամպովանիին սակ, քանի մը ասիանան բարձր
պատանդանին վրա: Աջ ու ձախ սիւնաւար է, համակ
ոսկեգօծ, կարմիր-մետաքս կտրուներով սօնազարդած:

1.

Օհան Գուրգէն կեցած է ամպովանիին սակ կայ-
սերական լիւ հանդերձանքով: Գահին երկու կողմը
խոնկած են բազմաթիւ բարձրասիւնան պատկաններ՝
պալատական, զինուորական, հոգեւորական. բոլորն ալ
հարուստ պատկանական զգեսաւորումով:

Ս. ԲՈՒՆԻ ԴԱԿԻՐ — (Գահի ստորին աստիճանին վրա
կեցած, քիչ մը կողքով, ասարտելու վրա է ծնո-
քի երկար մազաղաթին ընթերցումը)... մանա-

ւանդ ան յն վայրկեանին, երբ Աստուծային Ան-
քըննելի Նախախնամութիւնը ինծի յանձնեց այս
միակ քաղաքակիրթ ու ճշմարիտ քրիստոնեա
պետութեան դարաւոր սրբազան գահը: Յաղթա-
նակ ու յաջողութիւն բանակներուս, վայելք ու
առատութիւն ժողովրդիս, փառք ու բարձրացում
կայսերութեանս և Աստուծային օրհնութիւնն ու
իմաստութիւնը բոլորիս: Տւած է անդրանիկ հը-
րովարտակ Տէրն Մեր Յիսուսի Քրիստոսի մար-
դեղութեան ինն հարիւր վաթսուն և ինը թւա-
կանին և մեր երջանիկ գահակալութեան առաջին
տարին: Կայսր Օհան: (Կը զաւարէ մազադաթը
ու կ'իջնէ պատւանդանէն:)

Աւագ արարողակեր — (Առաջ կու զանդանուր
լուծեան մէջ եւ խոր գլուխ տալով կայսեր) Օ-
հան կայսր, երկար արե քեզի. երկար արե ու
երջանիկ թագաւորութիւն, ո՞վ դուն, արի և ի-
մաստուն ինքնակալ: (Դստնալով քազմութեան)
Եւ դո՛ւք, որ պայծառ աստղերն էք մեր այս փա-
ռայեղ պետութեան շքեղ երկնակամարին, եկէք
խոնարհինք ու երկրպագենք մեզի ծագած այսնոր
արեգակին, մեր աստուածընտիր նոր գահակալին:

Ռոյոր — (Լուռ կը խոնարհին մինչեւ մէջըը:)

Կայսր Օհան Պուրգէն — Վեր բարձրացուցէք ձեր խո-
նարհած գլուխները, ձեռքերնիդ դրէք ձեր սու-
րին ու ձեր ձակառը հպարտ ուղղեցէք երկինք:
Ինծի պէտք չէն խոնարհ գլուխներ. ես խրոխտ
հոգիներու կ'ուզեմ թագաւորեմ: Ձեր խելքն է,
որ կը վարէ այս տէրութիւնը ու ձեր բազուկն
է, որ կը պաշտպանէ. դուք իրաւունք ունիք հը-
պարտ ըլլալու: Ես ալ եկեր եմ ձեզի հետ միասին
հպարտ գործ տեսնելու: Պարզ ու շիտակ կը խոս-

տանամ ձեզի՝ քչեմ Սվետոսլաւը իր ուսներուն
հետ ոչ միայն մեր քաղաքի դռներէն, ուր ան
հասած է հիմա, գրեթէ, մեր սխալովը, այլ և
ըուկարական սահմաններէն ալ անդին, Մեծ Դա-
նուրի հոսանքէն ալ անդին, մինչև իրենց վայրի
ու անհամբոյր տափաստանները: Կը խոստանամ
ձեզի՝ հպատակութեան բերեմ արաբներն ու մահ-
մետականութիւնը և բարձրացնեմ այս գահին
հմայքն ու իշխանութիւնը ան բարձունքները,
ուր ան դեռ չէ հասած երբէք մինչև օրս: Հսկա
գործ ունինք կատարելու, ես ու դո՛ւք, մենք բո-
լորս միասին: Պէտք կա մեր ամենուս ուժերուն,
մեր ամենուս տաղանդին: Ընդունեցէք իմ կայ-
սերական ողջագուրանքս, քացէք ու եղէք պատ-
րաստ: (Կ'իջնէ ու կ'անցնի դէպի աջի սինները:)

Քազմութիւնը — Կեցցէ: Կեցցէ մեր կայսրը: Կեցցէ
Օհան կայսրը: Կեցցէ մեր նոր կայսրը:

2.

Մինչ բոլոր կը ցւիւն աջի ու ձախի սիւներուն
մեջէն, Սենասոր Պոնսիս կամաց մը կը մօտեցնա Կարեւոր
պալատականին, որ մտախոն կեցած է մեկդի:

Սենասոր Պոնսիս — (Դո՛հ) Հը', բարեկամ, ի՞նչ կ'ըսես:
Կարեւոր պալատականը — Ի՞նչ ըսեմ:

Սենասոր Պոնսիս — Դեռ երկու շաբաթ չկա. տես
ինչպէս շուտ աւառ ամենուն գլուխը. գինովցեր են:

Կարեւոր պալատականը — Շատ է թունդ գինին: Ամե-
նուն կը ցրէ իր գրամը, հողը, ամենուն կը բաժնէ

իր իշխանութիւնը, ամենուն պատիւ ու պաշտօն:
Սենասոր Պոնսիս — Յրեւն ալ արեւստ է, ի՞նչ գիտ-
ցար: Նախորդը գնաց, որովհետեւ տալ չգիտէր:

Կարեւոր պալատականը — Տեսնենք, տեսնենք. դեռ մեղրալուսինն է:

3.

Սենատոր Պոնտիս — (Գառնալով դէպի Վասիլ Լեկապէնը, որ շիտակ անոնց կը մօտենա) Ա՛յ, յաւիտենական մարդը: Կայսրներ կու գան, կայսրներ կ'երթան, իսկ սա, միենայն է, հոս է միշտ, պալատը և միշտ ալ ժիւղ ոտքերուն վրա: Կատուի ցեղէն է. ինչպէս ալ նետես՝ ոտքերուն կ'իյնա:

Կարեւոր պալատականը — (Աչքերը կծկելով) Ա՛յն գիշերը միայն պալատը չէր, ոչ ալ ոտքերուն վրա. թէև արդէն առտուն կանուխ...

Վասիլ Լեկապէն — (Խեղճանալով) Հա՛, այն գիշերը... տկար էի քիչ մը. գացեր էի ճար խմելու:

Կարեւոր պալատականը — Տկա՛ր...

Վասիլ Լեկապէն — Սոսկալի խիթեր որովայնիս մէջ:

Կարեւոր պալատականը — Այնպէս որ... դարձուցին քեզի պալատին տէրը, որովայնիդ իմաստուն խիթերը:

Վասիլ Լեկապէն — Ա՛, ինչպէս մարդիկ չար են: Ինչքան որ մանր ու մունր սև աշխատանք կա, բոլորը նետեր են վիզս, ետքն ալ թէ...

Սենատոր Պոնտիս — Խեղճ Վասիլ. բոլոր մանր ու մունր, սև աշխատանքը...

5.

Յանկարծ բափով կը բացւի խորքի մտածաւոր դուռ մը ու ներս կը վազէ Թեօօմանօն, կասաղի կրակ մը աչքերուն մեջ: Կը նայի շուրջը պարագ դահլիճին ու կը նետի դէպի երեքը, սրնոք յարգանքով կը խոնարհին:

Թեօօմանօ — (Պոռալով, անոնց երեսին) Ո՞ւր է կայսրը:

Երեքը — (Շփոթ ու շար կը նային իրար):

Թեօօմանօ — Ո՞ւր է. ո՞ւր է կայսրը՝ կը հարցնեմ ձեզի:

Կարեւոր պալատականը — Չը գիտեմ, կայսրուհի: Կարգացին հրովարտակը ու դնաց ներս:

Թեօօմանօ — Հա՛, գնաց ներս... ներս: Պահել կ'ուզէք ինձմէ, փախցնել կ'ուզէք ինձմէ, հա՛, ձեր կայսրը: Կը կարծէք ես չեմ հասկընար: (Ոտքը զարնելով գետին) Ես կայսրը կուղեմ, կը հասկընամք. հոս, այս վայրկեանիս. կայսրը, կայսրը...

6.

Աջէն արագ ներս կը մտնէ Օհան Գուրգէն: Հանած է զգեստին պաշտօնական մասերը ու գլխաբաց: Նետն մեկ-երկու պալատական:

Թեօօմանօ — (Կը վազէ վրան խենթ ուրախութեամբ) Ա՛խ, դո՛ւն. ահա դուն: Ա՛, վերջապէս, քու աչքերուդ դէմը, քու թեւերուդ տակը: Ալ չեմ վախնար, ալ ոչինչէ չեմ վախնար: Սո՛ւտ են, սուտ, կ'ուզէին խափեն ինձի:

Կայսրը — Հանդարտ, հանդարտ: (Կը դառնա միւսնորուն ու ձեռքով կ'ընէ, որ հեռանան):

7

Կայսրը — Ինձի տեսնել էիր ուզեր և ես համաձայն էի: Բոլորովին աւելորդ էր այս անտեղի տեսարանը:

Թեօօմանօ — Վախցա, որ խափանեն:

Կայսրը — Խափանեն. ո՞վ: Ինչևէ. քանի որ արդէն եկած ենք դէմ դէմի՛ խօսէ: Գիտեմ որ անիմաստ ու անախորժ բան մը պիտի ըլլա մեր այս տեսակցութիւնը, բայց քու վերջին ցանկութիւնդ էր, մերժել չեմ կրնար:

Թեօօմանօ — Ի՛նչ բարի ես: Ուրեմն այդպէս, ուրեմն իրաւ է ինչ որ կ'ըսես, ինչ որ ինձի յայտնեցին քու անունէդ... Կայսեր անունէն:

կը... (Հացկոտ) Աքացէ... արացէ... հալածէ...
Կայսրը — Ելիր ոտքի, տղայութիւն պէտք չէ: (Աթոռ
մը քշելով առջևը) Ելիր, նստէ, թագուհի:

Թէօճակո — (Դառն) Թագուհի... հի վրասը քեզի: Ան-
ցան: Ես թագուհի էի, ինչքան ատեն, որ իմ գե-
ղեցկութիւնս զէնք մըն էր ձեռքս էրիկ-մարդիկը
ինծի ծառայեցնելու: Ա՛յն օրը, որ այս տխմար
կրակը բռնկեցաւ մէջս զէպի քեզի, այն օրը զէն-
քերս յանձնեցի քեզի: Իմ զէնքովս զարկիւր ինծի.
Կերքս շինեցիր քեզի սուր ու մարմինս պատուան-
դան: Հիմա, իհարկէ, ալ պէտք չեմ քեզի:

Կայսրը — Այդպէս է ու այդպէս չէ: Այո, բնազդներս,
անշուշտ, զգացին իսկոյն, թէ զէպի ուր կը
տանէիր դուն ինծի: Հոս, այս պետութեան գը-
լուխը, այս կուտակած ու տրամադրելի ուժե-
րուն գլուխը ես պէտք է, որ հասնէի. դուն չըլ-
լայիր՝ պիտի գայիր ուրիշ ճամբով, միեկոյն է:
Քու ցոյց տւած ճամբադ կարծ էր. շնորհակալ եմ:

Թէօճակո — Ատոր համար կը վերնդես: (Սիրով եւ
ըաղսրուշ) Օհան, մտածէ: Չէ՞ որ մենք կապւած
ենք իրարու, կապւած ընդմիջտ, մեր մարմնովը,
մեր բաղդովը. յիշէ՛ մեր անցած ճամբան և այն...
գիշերը:

Կայսրը — Ահա: Իսկ ես կապւած պէտք չէ, որ ըլլամ:
Ատելի է ինծի ամեն կապ, ամեն շղթա: Մա-
նաւանդ շղթա մը, որ փաթթւած ոտքերուս,
ծանր քարի մը պէս, քաշէ պիտի ինծի յատակը,
եղծէ պիտի ինծի ու խանգարէ: Ո՛չ, ես շղթա
չեմ ուղեր ոտքերուս, Պէտք է փրցըւի այդ
կապը մեր մէջէն, պէտք է պատուի անցեալի
այդ էջը մեր մէջէն:

Թէօճակո — Բայց, անսիրտ, անասուած, սպերախտ,

ինչ վատ բան է ըրեր մեր անցեալը քեզի: Թող
ամենքը մեղադրեն ինծի, թող խաչը հանեն, թող
ոռնան փողոցներուն մէջ, թէ սպաներ եմ ամու-
սինս. թքեր եմ բոլորին վրա: Բայց դժուր ինչու
կը հրեն ինծի ես, դժուր ինչու կը հայհոյես: Ինչ
որ ըրեր եմ՝ քեզի համար եմ ըրեր, քեզի, քեզի...

Կայսրը — Կարծեմ ըսինք, ինչ որ պէտք էր, գուցէ
նոյնիսկ աւելին: Ասկէ անդին դժւար պիտի հաս-
կընանք իրար: Բաժնուինք:

Թէօճակո — (Վախով առաջ կը նետի) Կեցիք, կե-
ցիք դեռ: Աղէկ, թող ըլլա քու ըսածդ, միայն
ժամանակ տուր, որ գտնեմ ինքզինքս. մէկ-երկու
շաբաթ. թող որ հասկընամ եղածը, որ համոզւիմ...

Կայսրը — Ո՛չ: Հիմա, իսկոյն. հոսկէ շիտակ երթաս
պիտի Պրինկիպօ կղզին: Կեանքիդ ու հանգստիդ
պակաս չըլլար ոչինչ:

Թէօճակո — (Վայրի ծիծաղով) Հա՛: հա՛, հա՛... Հացս
կը շնորհես ինծի, հացս... դժուր... դժուր... (Մեր-
քին զալարումով) Գողի մը պէս եկար մտար
սիրտս, մտար անկողինս, մտար պալատս. գող-
ցար ու յափշտակեցիր ամեն ունեցածս, գողցար
փարթամութիւնս, փառքս, գահս: Գող, գող, գող...
Ա՛խ կ'ուզէի փակչիմ կողորդիդ, կ'ուզէի խածնեմ,
փրցընեմ, կ'ուզէի ծծեմ արիւնդ. կ'ուզէի ճան-
կեմ, հանեմ աչքերդ, որոնք այդպէս սառն ու
ձանձրացած կը նային ինծի. ճանկըռտեմ, հա-
նեմ այս եղունկներովս...

Կայսրը — Կը տեսնեմ՝ դուն այլևս քու տէրդ չես: Վասիլ:
Թէօճակո — (Կը լռէ, կը ստոի ու կը քարանձառ):

8.

Կայսրը — (Վասիլին) Առաջնորդէ թագուհին նաւը:

Թէօճակո — (Կը նետի կայսեր ոտքերը ու փարեղով)

ներէ, Օհան, ներէ. չգիտեմ ինչ կը խօսիմ, չգիտեմ ինչ կ'ըսեմ: Ա՛խ, գէշ երազ մըն է ասիկա: Միթէ իրան դուն ինծի երբէք չես սիրած, միթէ իրան մէջդ բնաւ դուր չկա՞ գէպի ինծի: Օհան, մեղք եմ. Օհան, կիս եմ: Օհան, սիրուհիդ եմ եղած: Կը խնդրեմ, կ'աղաչեմ քեզի, մի՛ քշեր ինծի պալատէն. չեմ կրնար, չեմ կրնար: Պահէ ինծի հոս, իբրև քու աղախինդ, պահէ ինծի, իբրև քու հարձգ...

Կայսր — (Վասիլին չոր) Հեռացուր այս կիսը հոսկէ: Վասիլ Լեկապէն — (Կամաց մը ձեռքը կը դպցնէ անոր ուսին) Ելի՛ր, թագուհի: Լսեցիր հրամանը:

Թէօֆանօ — (Մէկ ուտիւնով կը ցատկէ ոտքի) Քաշէ ձեռքդ, վերք, սկիւթ, ստրուկի ծնունդ: Ինչպէս կը փայլին աչքերդ, ինչպէս ուրախ ես. հասար, համ, նպատակիր. յաղթեցիր. հիմա քու ձեռքդ է ամբողջ պալատը, համ... Այս բոլորը քու սարքած բաներդ են, քո՛ւ, քո՛ւ: (Կը յարծակի վրան ու ըռունցքներ տեղադրով անոր դէմքին ու կրծքին) Ծո՛ւն, շո՛ւն, շո՛ւն, կոտանձ շու՛ն, կոտանձ շու՛ն...

Վասիլ Լեկապէն — (Ետ-ետ, ազատիլ ջանալով):

Կայսր — Քաշէ ձեռքդ ետ:

Թէօֆանօ — (Կը կը դիտէ ակնթարթ մը եւ յանկարծ կը վազէ գահը) Ո՛հ, երբէք, երբէք. չըւան պիտի ատիկա, չըւան պիտի ձեր նիւթածը: Ե՛ս եմ այս պալատին տէրը, ես եմ այս գահին տէրը, ես, ես: Իմս է այս գահը, կը հասկըն՞՞ք՝ իմս, իմս...

Նոյն միջոցին Վասիլ կ'երթա դեպի սիւները, նշան կ'ընէ: Վեց-եօրր ներքինի կ'արձանանան մուսֆին մօս:

Վասիլ Լեկապէն — Օգնեցէ՛ք թագուհիին ու փոխադրեցէ՛ք վա՛ր, նա՛ւր:

Ներքինիները — (Վարանսած կը նային ու չեն շարժիր):

Վասիլ Լեկապէն — Չլսեցի՞ք:

Ներքինիները — (Կը մօտենան գահին, ոտք դնել կ'ուզեն):

Թէօֆանօ — Հեռու, ստրուկներ. չէ՞ք տեսներ՝ ով է կեցած ձեր դէմը: Ե՛ս. Ռուսէական կայսերութեան թագուհին է, որ կը հրամայէ... (Կայսր) Ո՞ւր պիտի գտնես ինձմէ աւելի գեղեցիկը, ո՞ւր ինձմէ աւելի վայելուչը այս գահին: Չէ՛ս ըմբռներ, որ ես ստեղծեմ եմ այս գահը զարդարելու ե որ այս գահը ստեղծեմ է ինձի զարդարելու:

Ներքինիները, որ պահ մը ետ էին փառած ակամա, կը բարձրանան վեճապետ պատանդանք ու բռնել կը փորձեն քաղուհիին քեւերը: Թէօֆանօ բոլոր ուժով կը փարբի գահին: Ներքինիները կը փախան, գանը կը քապալի: Վերջապետ կես մը հեծելով, կես մը քեւերուն քապիկն բարձրացուցած կ'իջեցրնեն ու կը հանեն դուրս:

Թէօֆանօ — (Այդ միջոցին, ընդհատող ու կոպիտ պոռոցով, դիմադրելու ջանքերուն զուգընթաց) Ա՛... ա՛... ո՛հ: Ամբողջ գունդեր ալ, որ բերես, ո՛չ, ես հոսկէ հեռացողը չեմ...: Ո՞վ ես որ դուն... ո՞վ ես դուն... իմս է այս բոլորը... Թողէ՛ք թևերս, թողէ՛ք... կը խածնեմ, թէ չէ կը խածնեմ... կարիճներ, կատգանձ կարիճներ... Ա՛յ, օգնեցէ՛ք, օգնեցէ՛ք, տարի՛ն, տարի՛ն ձեր թագուհիին...: Չի մնար Օհան, քեզի ալ չի մնար, չի մնար...

Կայսր, որ ամբողջ այդ վայրագ սեսարանի միջոցին կեցած է մեկ ձեռքով աչքերը փակած, այդպէս ալ անբարձ կը մնա միւսներու հեռանալին հետք:

Քիչ-քիչ օուրջը կ'ըսկսի մթնել, միայն գանձի եղած
սեղը մեռուցս լոյս մը, որ հնետհետ կ'ըսկսի պարզիլ ու
կ'երեւա կուսանոցի խուցին մեկ անկիւնը. Մեջտեղը քա-
ռակուսի լուսամուտ մը. Բովը սեղանի մը մեկ մասը,
մբան պղնձէ մեծադիր խաչելութիւն: Լուսամուտի
սախտակէ միակնուր փեղկը բաց է: Այդ բաց փեղկին
քիկն օւած կեցած է Հաննա՝ կոյսի ներմակ հագուս-
ներով. ինքը դալուկ. վիզին շքրայով կախուած է սեւ
խաչելութիւն մը: Չեռքը դրած լուսամուտի եզերքին՝
երազկոտ աչքերով կը նայի հեռուն ձկնապայտ լեռնե-
րուն, որոնք կը ցոլան դուրսի պայծառ լոյսին տակ:

Կայսրը — (Դանդաղ շարժումով ձեռքը վար կ'առնէ
դէմքէն ու կը խօսի հատիկ հատիկ) Ահա կեցած
եմ նորէն, Հաննա, Պետքար լեռան գլուխը. ահա
նորէն ես յաղթական, նորէն ետիս մահ ու խոր-
տակում. նորէն սիրտս թուխպ ու հոգիս խռով...
Հաննա — (Համարտ խօսաւածքով) Մի կենար ու մի
նայիր ետ. ետիդ անդունդ է:

Կայսրը — Անդրճնդ, դաժան ու մթին:

Հաննա — Վեր, մագլցէ վեր:

Կայսրը — Արժէ: Եւ ո՛ր: Ահա գագաթ մը:

Հաննա — Անոնց համար, որոնց շունչը կարճ է:

Կայսրը — Բոլոր գագաթներուն ալ աս է եղածը:

Հաննա — Բայց և այնպէս, քալէ, քալէ վեր:

Կայսրը — Ո՛վ դուն, իմ հոգիիս անվերջ ձգտումը, իմ
անհանգիստ, իմ անյագ հոգիիս անզուսպ ու թևա-
ւոր ձգտումը, բայց ինչո՞ւ, ինչո՞ւ դուն, ինչո՞ւ
այս ձգտումը. և մինչև ե՞րբ և մինչև ո՞ր...
Հաննա — (Մատնանիշ լեռները) Մինչև ճերմակ բար-
ձունքները, մինչև միգոտ կատարները, մինչև ան-
հաս տենչանքները, մինչև մահուդ սահմանները...

Կայսրը — (Տխուր երերցընելով գլուխը) Մինչև ան-
հուն տենչանքները... մինչև մահուն սահմանները:

Հաննա — Վեր, մագլցէ վեր...
Կայսրը — Այո... Գնացածը բոլորովին ոչինչ է:

Հաննա — Վեր, մագլցէ վեր...
Կայսրը դանդաղ շարժումով նոռէն կը ծածկէ դեմ-
քը: Լոյս է: Նախորդ դարիներ նախորդ դիրքով:

Վասիլ Լեկապէն (կը վերադառնա, թիչ մը շար ու
ձախլիկ կը մ'օտենա կայսեր) Ես քեզի ըսի, տէր,
որ պէտք չկար այս աւելորդ աղմուկին. իզուր
ընդունեցիր: Կանայք այդպէս են. մի վշտանար,
տէր: Այս պատերը շատ են տեսեր նման
կոխնչներ. տեսեր եմ ես ալ: Քանի՛-քանի կին
դրկեր է հէնց ինքը թագուհին, ան, որ հիմա գը-
նաց իր հերթին: Մի վշտանար, տէր:

Կայսրը — (Բացած է դէմքը ու մոլոր նայաւծրով)
Ի՞նչ կ'ուզես. ինչի՞ մասին է, որ կը խօսիս: Ա՛ն...
ան ալ ֆնաց վնքը, հեռուն, Պետքար լեռան ետեր:

Վասիլ Լեկապէն — Պետքար: Հա, քու յաղթանակիդ լեռը:

Կայսրը — (Մտասոյգ) Յաղթանակ, թէ՛ պարտու-
թիւն. ո՞վ կրնա ըսեր: Ելքի լեռը, կուրի:

Վասիլ Լեկապէն — Այն օրէն ժողովուրդը կ'ընէ՛
«արեան լեռը»:

Կայսրը — (Յանկարծ) Լսէ, Վասիլ. ես գիտեմ քու
վարչական շնորհքդ, գիտեմ շատ կանուխէն:

Վասիլ Լեկապէն — (Համեստ) Տէր:

Կայսրը — Կը յանձնեմ քեզի, քու փորձառութեանդ
այս անհանգիստ քաղաքը:

Վասիլ Լեկապէն (Համեստ) Տէր:

Կայսրը — Աւելի ուշ՝ գուցէ և ամբողջ երկրին վարչու-

Թիւնը: Դարունը բացելուն պէս պէտք ունիմ իմ
բոլոր ուժերուս:

Վասիլ Լեկապէն — Դէպի... Բուլղարիա:

Կայսր — Դէպի... «արեան լեռ»: (Դուրս:)

12

Վասիլ Լեկապէն — (Բիչ մը լուս կը նայի անոր ետեւէն, վերջը ՚նեզնտո կը շարժէ զլուխը) Կայսր...
ամ... մեր այս հնաւանդ պետութեան... Դուն կը
մնաս իմ զօրավարս, իմ գործիքս: Կոիւն ու յաղ-
թանակը քեզի, բայց տիրելը քու բանդ չէ: Դուն
զահեր կը տապալեն, բայց զահերը պահպանել
չես կրնար: Ատիկա ես... ես: Կայսրը... ես:
(Զգուշ կը մօտենա զահի պատանդանին կը նայի
շուրջը, աստիճան-աստիճան կը բարձրանա, կը
շտկէ տապալած զահը, կը յարդարէ: Իր ծոած
դիրքովը կը նայի ետ, կը դիտէ մուտքերը
որ տեսնող չըլլա, կամացուկ մը կը նստի զահին
եզերքը ու հանոյթէն ձևերը իրար շփելով կը
ծիծաղի) Հի... հի... հի... հի...



Հոգան, 1914 ժամ

ԱՄԵՆ ԻՐԱԿՈՒՆՔ ՎԵՐԱՊԱՀԻԱԾ

«Ազգային գրադարան»



NL0355880

47368